

地150.97  
42  
16

卷之九上

文  
藝

靈寶縣志

卷之九 藝文下

碑銘五

古函關碑銘

唐獨狐及

王者建邦經野觀象立極于是有重門擊柝以待暴客故封略土宇守在關塞山川邱陵爲之城池天作峭函俾屏京室崇山迴谷連岡叢倚長河屈盤萬里來東崖奔嶺蹙谷抱谿鬪崛起重險爲秦東門截函夏于閩闕鎖天府于戶牖外扼八州之咽喉故百二形焉內權六合之奧區故霸王出焉當其中原鹿駭戰國蝟起嬴氏建瓶山東擇肉宇內持戟百萬連衡此關是時也開門而九國師遁振策而二周鼎入奄有大寶遂吞中區洎

靈寶縣志

卷九

藝文下

新豫印刷所承印

江返秦璧天祐漢祚高皇帝提劍而起以遏亂略斬白帝繼降王舉漢中兵平咸陽廓金城以建都活萬姓以三章取威定功此焉是保粵若詢事國牒聆風仙籙則貞氣靈蹤起乎其中柱史一去流沙萬里留玉函于舊宅傳寶圖于本枝豈上帝乃眷興王是感不然何錫羨開國如此其大歲在大火余適下陽停驂塞門憑覽舊國襟帶如故世道不留秦餘空山漢遺茂草恐復舟失失于壑岸化爲谷萬載之後昧者不知乃刻頌此石以示來裔其辭曰天地雷雨英雄交爭設險守國作藩于京姓易時移山空塞平千秋陵谷想見精靈仙駕長往雄圖杳冥于以志之勒銘巖扃

何侍郎神道碑

大學士長沙李東陽

戶部右侍郎何公仲衡自山西被召命時屬足疾累具疏辭上憫其懇誠特許致仕越五年卒于正寢年七十六矣其同年進士張君器之嘗同官西臺知最稔以余淵介春坊左中允賈君和鳴狀請銘神道按何之先出開封宋靖康間有諱貴者避亂靈寶始居之國初有諱欽者舉賢良方正歷饒州保定二府經歷是爲公會祖祖父諱茂以公貴累贈都察院右副都御史攷諱濬起貢士累官南康知府贈亦如之公諱鈞仲衡字也八歲時從南康君遊太學穎敏強記成化戊子舉河南貢乙未擢進士第試工部政奉使襄陵王府修闕里陵墓戊戌授太常博士

靈寶縣志

卷九

藝文下

一一

新像印刷所承印

辛丑簡爲浙江道監察御史督捕京畿東路盜賊監通州倉出閱甯夏邊儲防禁不弛巡按四川播州楊友者讎其嫡弟愛謀奪其官誣其叛謀命刑部錦衣衛暨巡撫都御史會公往勘友黨有健訟者公理折之友乃引伏安置保甯事始定監鄉舉事時稱得人受代歸省值父病篤留閱月比居喪含斂如禮復召命而後襄事母李淑人之喪兩經月不止公號泣于天及葬而齊己乃復兩人皆異之服闋改山東道勘諸司文卷姦無所宿名益起擢大理右寺丞京東人入貢者爲官軍誘殺獄連數千人久不決公往直其事不爲勢屈遷右少卿勘陝西邊事于時大獄數十人當坐死公據法原情多得末減癸亥始擢右副都

御史巡撫山西兼督雁門諸關乙丑歲大侵太原平陽飢民多轉徙公賑貸招集有復業者敵覘知官軍出援宣府乘間入邊報忽至公斬崖設窰出兵邀之敵乃退會京倉提督官闕乃有戶部之命邊人皆戀戀不忍釋公體貌魁碩氣揚揚不下物明習法律剴折繁錯隨所至能取聲譽與人近厚恤拯難皆力爲之性度坦率不曲爲鈞距居家尤雍睦外暨族黨鄉閭皆樂稱之官至曹省而遽歸邱壑論者以爲弗究其用云銘曰國有重臣維臺省地一之旣難矧得其二維何氏彥爲名御史行臺出巡越在西部東曹內遷實佐邦計而卒弗試誰尼誰使其名則成命亦然爾生行死歸兩得其理恤恩在茲以與終始

靈寶縣志

卷九

文藝下

三

新豫印刷所承印

許襄毅公諱進神道碑銘

祭酒鄴城崔 銑

許氏係出周文叔傳至許伯爲楚人後世遷同州再長安由隋唐至金元代有聞人最貴封譙國公及相唐高宗詳在家乘金時諱威者爲兵馬都元帥始居靈寶傳七世爲教諭聚娶何氏正統二年丁巳五月三日生許公諱進字季升號東崖甫年十歲適小戴記遂以是經舉成化丙戌進士己丑授監察御史再遭母喪至乙未始出按甘肅岷州土人利邊地貨潛相結姻邊因之爲寇公相險要設橋寨分兵防守又諭利害令罷姻邊乃靖己亥還京掌三法司事巡按遼東御史強珍劾幸閹汪直妄殺東邊人冒賞而兵部阿附奏行直誣懇珍詔以檻車逮珍下

詔獄公抗疏伸珍擊直珍竟戍遼陽公奪俸數月道士以黃白術干湖廣總兵李震不售誣首震自南京回舟次洞庭招亡軍爲亂直奏逮李氏百口至京獄官鍛鍊已成憲皇恐寃之改命法司官讞衆皆惴辟公列狀以上卽日磔道士于市戒戢直緝事者直百計害公無從偵隙壬寅八月滿三考晉山東按察副使瀕行却李震饋謝千金癸卯監秋試諸使置貴臣子于第公堅守不可宏治戊申正月晉廣西按察使二月晉右僉都御使巡撫大同北地人欲入邊未成計以千人暨馬千乘入貢公請帑銀二萬兩供費嚴防而恩洽軍備咸飭庚戌敵入塞列營三十里號六萬公因事發謀中厥理緒馬行系帶於尾塵翳障天

靈寶縣志

卷九

藝文下

四

新豫印刷所承印

烽火日夜相照比敵退不亡一鏃云劾奏鎮守石岩貪暴反被所擠辛亥右官兗州知府蒞事寬簡或問何乃異昔日之嚴公曰彼爲官法茲則有司彼不知者將謂予乘威虐下否亦曰憤悶不堪甲寅十一月晉陝西按察使乙卯甘涼寇患孔棘孝皇命大臣往治弗任以公爲僉都御史巡撫甘肅西域遂定丙辰八月進副都御史九月詔巡撫陝西時巡守官鮮克幹事公令日藉所理每季稽其勤惰太監劉瑯恃援恣橫公數禁之一日同舟泛陂適責其惡瑯不遜公奮擊之墮瑯水中丁巳召爲戶部右侍郎太原周文瑞公爲司徒協恭合力大釐國計朝政不便者上章諫爭罔限所掌孝皇仁孝恭儉禮賢容下每痛孝穆

太后上仙之遽求其族不獲乃施恩后家但益其富弗假政權而公及文瑞公篤于保治治全主之忠嘗上言東宮親王則例每畝徵銀三分徒以五分厚戚氏是恩有偏施例爲徒具民乃君之赤子今以邱聰等田賜戚氏雖蠲原稅非聰等心實同奪之柏氏本亦妃親奈何不念先皇而奪其三十年之業乎庚申春命勘河間戚氏莊田事竣抗疏言實皆民間納糧養馬土地宜令照舊管業不得行四月命兼僉都御史提督宣大軍事貴臣子弟從軍倖功者不樂公嚴大造飛語六月奉旨師久無功事多執拗令回京致仕自後公卿台臣奏留公及推薦者凡四十八疏六月武皇卽位命驛取來京病淋不能行尋命爲兵部

左侍郎正德丙寅四月詣闕下五月晉尙書疏勸武皇敏學止遊以古仁聖之君必可師以荒淫之君必可戒京衛官有以賄求者公大杖數十于堂權要請託非格一切報罷數上言京軍工役之苦且曰永樂間大建宮殿定撥班匠十萬借撥軍匠數萬今爲內臣占令納錢運灰及磚罪人罰贖奈何以軍士當之十月初閣部臺諫共劾閣永成八人道上盤戲請誅之期在必克公語同事曰此屬得疏斥足矣果竣其事恐有甘露之變是月十日午刻太監李榮在順門傳旨召部院大臣榮曰此屬上少所親倚今亦無大過奈何置諸死此屬日夜牽御衣環泣上爲罷餐諸臣錯愕莫對公曰上富于春秋方當講學恢先帝之

業爲此曹所誘逸久成荒何謂無罪榮曰上行遣矣諸公第歸  
幹國吏部侍郎王公鏊曰如不遣將復留上左右耶榮入是夜  
內閣劉文靖謝文正致仕明日逆瑾出管司禮文臣慘禍往往  
自殺君子曰許公之勇可及也智不可及也十一月晉吏部尙  
書已加太子少保公直聲久著風裁愈峻御史某滿三考及郎  
中某員外郎某偕結奧援必覬京秩公一日悉外補郎中某賂  
閹永成乃斥守黎平郎中李達忤太宰出守邊方乃改杭郡工  
侍某同公里閤託閹求改吏部公對衆面語之曰君年尙永秩  
亦不卑循資而往不憂不貴乃托斯人速化乎逆瑾啣公日甚  
而輔臣畏其沮格所私積怨叢讒乃起安定張綵入文選冀間

靈寶縣志

卷九

藝文下

六

新舊印刷所承印

公戊辰七月推署員外郎劉吉爲署郎中舊典也瑾謂公越選  
法矯旨令致仕秋感疾八月十有八日終于正寢享年七十有  
四九月瑾伏誅詔公致仕已遣官營葬贈太子太保嘉靖五年  
冬席文簡在禮部復議御史陳克宅陳察奏謂公應行諡法諡  
襄毅公銘曰奕奕許氏維周之裔培根枝遂維百斯世爰發厥  
祥公降適期堂挺孤操聿賦宏才峩峩憲府堅秉大法何奸不  
擊何部不發邊毒斯蜂擾我朔方公底定之險成康莊爰貳邦  
教賢長協圖日上危言日際明主陳力靡績返服東崖有截其  
壁公立與偕再召而起資總文武百僚仰公如周吉甫權閹扇  
虐如林斯焚我持一心可事百君世之趨兢公辟如汚世之憚

棄公履如塗震不及躬天克有定綿綿來嗣佐我嘉靖

許莊敏公諱誥神道碑銘

大學士任邱李時

資政大夫南京戶部尚書贈太子太保諡莊敏許公既葬大司馬儀封王公子衡爲誌其墓公之弟戶部尚書廷美以神道碑請乃按狀敍而鑱之公諱誥字廷綸別號函谷公生有異兆出就外傳之年卽治禮經能文未幾與弟松臯公聯芳鄉薦己未登進士第授戶科給事中彈劾不避權貴嘗清理邊務邊人懷服不忘乙丑遷刑科右給事中建明均攷察諸政各著爲令襄毅公以耆舊起大司馬公乃改翰林檢討庚午以父喪去位遂不仕杜門究心理學尋用言者薦起爲尚寶丞既而復謝病歸

靈寶縣志

卷九

藝文下

七

新鐫印刷所承印

壬午上改元以通政參議召公丙戌上聖學日以緝熙命輔臣各舉所知以備侍從公被薦改侍講學士屢進講剴切多當帝心上四事皆格要論益蒙眷注尋擢太常卿掌國子監事敦風化尙質行教士以經濟爲學不貴浮譎學者化之初文華殿塑孔子像帝以古制惟用木主欲革近代陋習得公所上道統書甚稱旨卽爲撤去更立伏羲神農黃帝堯舜禹湯文武周公孔子主仍詔輔臣與公九人諭意命各爲講章以進公衍中庸喜怒哀樂章帝是其說自後朔望帝必躬祭祭品必賜公以爲常辛卯開講于無逸殿錫宴幽風亭明日公以無逸篇中宗受命敷之講義上進帝善之壬辰擢吏部右侍郎適當入覲年四方



觀聽咸萃都下公嚴重絕請托人無敢干以私擢南京戶部尙書時松臯公爲大司徒居北公居南並躋台座世羨其榮癸巳請老帝不允甲午二月將修朝賀如京忽一夕痰疾作卒年六十有四公平生敦尙節行天性孝友尤邃于理學爲國大臣恆以古之大儒自期所著有通鑑前編圖書管見道統源流詩攷易參春秋意見中庸本義太極論性學編諸書咸有補于正學云詞曰早聞至道聖賢追駕志在經綸霖雨天下旣忤宦孽遠投殊方瘴烟蠻風道阻且長天惟相吉終保厥臧生還鄉閭爲道益光聚徒青門究學頤真林泉山水若將終身嘉靖龍飛泰運鼎新詔起遺賢困抑用伸公曰行矣明時難再彈冠就道不

靈寶縣志

卷九

藝文下

八

新豫印刷所承印

謀諸內講帷日侍天章三對賢關簪合蘇湖教在天子是毗天下是師乃登銓曹百工惟時載司計部出納惟公方占大究遽友赤松著述日富先哲希踪公其歸只山峙流淙

許文簡公諱讚神道碑銘

大學士徐階

嘉靖戊申七月二十五日前少傅大學士許公卒于家先是乙巳冬公構疾乞骸骨甚切上慰留亦甚切乃連疏懇辭上不悅曰少傅輕去朕耶其奪秩令歸公行而病增劇旣還里復迺三載竟因舊患不起又四載嗣子興起復來京師乃始上疏告訃絃公病歸顛末上嗟悼曰少傅果非負朕者乃悉復公官仍贈少師賜祭葬諡文簡恩禮備厚蓋至是而公不獲已之情上眷

不忍釋之意益彰彰焉乃輿則請余書諸墓道之石余與公同在秘閣交誼最深胡可以辭公諱讚字廷美河南靈寶人性穎悟博學宏治乙卯以禮魁于鄉明年進士授大名府推官召爲監察御史襄毅位冢宰公例當避臺秩乃改翰林編修時逆瑾擅政怒襄毅不已附誣以他事矯詔罷之而並出公爲臨淄知縣丁襄毅憂服闋陞浙江僉事陞副使理海道改山西提學政至則先德行而後文藝士習丕變歷陞四川參政按察使浙江左右布政使召爲光祿卿轉刑部侍郎拜尙書先是揚州商袁英者武廟南狩錦衣指揮施恭怙權當勢矯詔籍其家至是英妻訴聞屬公訊理權者日偵伺鼓釁爲挾持計公不爲動竟置

靈寶縣志

卷九

藝文下

九

新像印刷所承印

恭典當時復有薛侃迎親藩之議詹啓訐銓部之詞張紳之薦劾朝紳劉永昌之誣詆省閣皆事關國紀連及大僚甚衆諸司恐懼失措公從容裁決持法甚平務存大體上悉從之而縉紳賴以安改戶部尙書河南軍餉舊兌于大名府小灘有奏改他鎮者公曰利不百不變法乃今增役創置勞費且十陪勿改便又有令有司積谷備荒以多寡爲殿最者公曰預備既有倉令舍此而別積谷徒增苛斂勿從便兵部議興甘肅屯田發銀三十萬兩公曰兵弱敵強士不得耕徒損國儲非計凡所規措務循舊則數報罷新議曰毋徒徇名遺害也以鹽法久滯疏陳諸弊列通商事宜皆經久可行聞高太夫人病疏乞終養不允令

給驛歸省高卒哀毀踰禮時吏部缺尙書廷推數人上皆不許  
詔特起公候服闋蒞事其爲上所簡用若此旣至乃手疏決壅  
滯公薦舉復久任停無故途調之途抑奔兢濫陞之習上皆嘉  
納六載攷績加太子太保己亥册大禮成加少保扈從聖駕南  
巡疏節程途以保聖躬上褒答勞錫之辛丑廟災引咎乞罷詞  
甚切詔許致仕給驛歸上雖從公請而意不釋吏部復缺尙書  
廷推數人又不許仍起公蒞事至則疏尊朝廷正士風二事又  
上安邊方略數千言條列諸弊政乞釐治又奏中官以工陞太  
濫乞惜名器悉蒙採納甲辰一品六年攷績加太子太傅尋復  
命兼文淵閣大學士入閣辦事公旣參揆衡益務慎密翊贊宏

多每議大政參酌可否國是裨焉乙巳太廟成加少傅無何疾  
作乞休遂有賜歸之命歸出賜金徧惠鄉族曰吾不忍自私也  
又助修孔廟山川壇歲旦及聖節必扶掖北向稽首祝賀不少  
廢疾革則謂諸弟曰吾父子兄弟俱列上卿吾以涼德受主上  
寵甚渥知甚深故數歷危機卒賴保全今己矣爾輩有官守者  
當思圖報遂卒公德行溫粹意氣凝定坦逸康樂而涇渭不淆  
直率經畫而應變無窮蒞官翼翼小心以不欺不怠爲主在吏  
部前後凡十年每銓注必論才高下與地繁簡兼風土南北而  
劑量之覈諸司公而恕或疵以細故飛語悉置不行以是人德  
之好著述老而不倦所著有松臯集績集讀史詩論五經臆說

三曹奏議若干卷嗚呼公之德澤在四方勳績在省閣孝友在家庭懿行不可殫述乃予特撮其大者云爾銘曰嵩華之間河洛濱桃林葱鬱佳氣屯元戎卜宇貽厥孫有來八葉開祥源名世者出勳業掀纓紱軒駟輝盈門公尤行業軼弟昆粹姿雅韻同璵璠銓衡繼秉譽望尊遂參鈞軸入台垣聽言藹若春風溫謹論勃發洪河奔豐功偉績銘彝敦上書謝病臥邱林抱忠耿耿歸幽窀上聞悼恤恩禮繁心事皦如朝日噉浩然正氣還乾坤直騎箕尾謁帝闈扶翊邦國保元元神之上下公猶存

祭文二

祭關龍逢文

唐王 勤

靈寶縣志

卷九

藝文下

十一

新像印刷所承印

歲月日謹以清酌之奠致祭夏忠臣關生之靈曰聖貴達節賢貴識時興亡有運用舍有期憑河暴虎前哲所嗤身滅主喪如何勿思我因行役歷于荒祠壯山河之舊壤歎墳隨之餘基松枯柏翠草密苔滋託深悲于薄醑魂有靈而饗之

祭許四名臣文

明邑令王 田

嘉靖三十三年知靈寶縣事王田致祭名臣太子太保吏部尙書累贈柱國少傅大學士許襄毅公曰惟公才兼文武名動華彝身係安危功高社稷若太子太保戶部尙書許莊敏公地卿重寄國師隆儀德懋啓沃道崇著述少師吏部尙書大學士許文簡公任能命德補闕保躬別歷三部弼亮四朝太子太保兵

部尚書許恭襄公九邊圖論三捷軍功簡任中樞威宣外徼誠所謂世篤忠貞咸當崇祀者也惟茲仲秋謹以剛鬣柔毛粢盛庶羞用伸嘗薦

傳七

楊尚希傳

節錄唐史

楊尚希宏農人也祖真魏天水太守父善賓商直浙三州刺史尚希齠齏而孤年十一辭母請受業長安涿郡盧辨見而異之令入太學專精不倦同輩皆共推服周太祖嘗親臨釋奠尚希時年十八令講孝經詞旨可觀太祖奇之賜姓普六茹氏擢爲國子博士累轉舍人仕明武世歷大學博士太子宮尹計部中

靈寶縣志

卷九

藝文下

十二

新豫印刷所承印

大夫賜爵高都縣侯東京司憲中大夫宣帝時令尚希撫慰山東河北至相州而帝崩與相州總管尉遲迴發喪于館尚希出謂左右曰蜀公哭不哀而視不安將有他計吾不去將及于難遂夜中從捷徑而遁遲明迴方覺令數十騎自驛路追之不及遂歸京師高祖以尚希宗室之望又背迴而至待之甚厚及迴屯兵武陟遣尚希督宗室兵三千人鎮潼關尋授司會中大夫高祖受禪拜度支尚書進爵爲公歲餘出爲河南道行臺兵部尚書加銀青光祿大夫尚希時見天下州郡過多奏曰自秦并天下罷侯置守漢魏及晉邦邑屢改竊見當今郡縣陪多于古或地無百里數縣並置或戶不滿千二郡分領具寮以衆資費

日多吏卒又陪租調歲減清幹良才百分無二動費數萬如何可覓所謂民少官多十羊九牧琴有更張之義瑟無膠柱之理今存要法閑併小爲大國家則不虧粟帛選舉則易得賢才敢陳管見伏聽裁處帝覽而嘉之于是隨罷天下諸郡尋拜瀛州刺史未之官奉詔巡省河南還除兵部尚書俄轉禮部尚書授上儀同尚希性宏厚加以學業優通甚有雅望爲朝廷所重上時每日臨朝日昃不倦尚希諫曰周文王以憂勤損壽武王以安樂延年願陛下舉大綱責成宰輔繁碎之務非人主所宜親也上懽然曰公愛我者尚希素有足疾上謂之曰蒲州出美酒足堪養病屈公臥治之于是出拜蒲州刺史仍領本州宗團驃

靈寶縣志

卷九

文藝下

十三

新豫印刷所承印

騎尚希在州甚有惠政復引漢水立堤防開稻田數千頃民賴其利開皇十年卒于官年五十七諡曰平

魏德深傳

節錄唐史

魏德深本鉅鹿人也祖冲仕周爲刑部大夫建州刺史因家宏農父毗鬱林令德深初爲文帝挽郎後歷馮翊書佐武陽司戶書佐以能遷貴鄉長爲政清靜不嚴而治會興遼東之役徵稅百端使人往來責成郡縣于時王綱弛紊吏多贓賄所在徵歛下不堪命惟德深一縣有無相通不竭其力所求皆給百姓不擾稱爲大治于是盜賊羣起武陽諸城多被淪陷惟貴鄉獨全郡丞元寶藏受詔逐捕盜賊每戰不利則器械必盡輒徵發于

人動以軍法從事如此者數矣其隣城營造皆聚于廳事吏人遞相督責晝夜喧囂猶不能濟德深各問其所欲任隨便修營官府寂然恆若無事唯約束長吏所修不須過勝餘縣使百姓勞苦然在下各自盡心常爲諸縣之最尋轉館陶長貴鄉吏人聞之相與言及其事皆歔歔流涕語不成聲及將赴任傾城送之號泣之聲道路不絕既至館陶閭境老幼皆如見其父母有猶人員外郎趙君實與郡丞元寶藏深相交結前後令長未有不受其指揮者自德深至縣君實屏處于室未嘗輒敢出門逃竄之徒歸來如市貴鄉父老冒涉艱險詣闕請留德深館陶父老復詣郡相訟以貴鄉文書爲詐郡不能決會持節使者韋霽

靈寶縣志

卷九

藝文上

十四

新豫印刷所承印

杜整等至兩縣詣使訟之乃斷從貴鄉貴鄉吏人歌呼滿道互相稱慶館陶衆庶閭境悲號因而居住者數百家寶藏深害其能會越王侗徵兵于郡寶藏遂令德深率兵千人赴東都俄而寶藏以武陽歸李密德深所領皆武陽人也以本地從賊念其親戚輒出都門東向慟哭而反人或謂之曰李密兵馬近在金墉去此二十餘里汝必欲歸誰能相禁何爲自苦如此其人皆垂泣曰我與魏明府同來不忍棄去豈以道路艱難乎其得人如此後與賊戰沒于陣貴鄉館陶人庶至今懷之時有櫟陽令渤海高世衡蕭令彭城劉高成臯令宏農劉熾俱有恩惠大業之末長吏多賊汗衡高及熾清節愈厲風教大洽獄無繫囚

爲吏人所稱

楊憑傳

節錄唐書

楊憑字虛受一字嗣仁虢州宏農人少孤其母訓導有方長善文辭與弟凝凌皆有名大歷中踵進士第時稱三楊憑重交遊尚氣節與穆質許孟容李鄘相友善一時歆慕號楊穆許李歷事節度府召爲監察御史不樂輒免去累遷太常少卿湖南江西觀察使入拜京兆尹後貶臨賀尉以太子詹事卒凝字懋功由協律郎三遷侍御史爲司封員外郎坐釐正嫡媵封邑爲權幸所忌徙吏部稍遷右司郎中宣武董晉表爲判官亳州刺史缺晉以凝行州事增墾田決汗堰築隄防水患訖息子敬之敬

靈寶縣志

卷九

藝文下

十五

新豫印刷所承印

之字茂孝元和初擢進士第平判入異等遷右衛胄曹參軍累遷屯田戶部郎中兼太常少卿是日二子戎戴登科時號楊家三喜轉大理卿檢校工部尚書兼祭酒卒敬之常爲華山賦示韓愈愈稱之士林一時傳布李德裕尤咨賞敬之愛士類得其文章孜孜玩誦人以爲癖雅愛項斯爲詩所至稱之絲是擢上第凌嘗客灞上見閩人濮陽愿閱其文大雅挹徧語公卿間會愿死敬之爲斂葬

楊虞卿傳

節錄唐書

楊虞卿字師皋虢州宏農人父甯有高操談辨可喜擢明經調臨淮主簿棄官還夏與陽城爲莫逆交順宗初調爲殿中侍御



史終國子祭酒虞卿第進士博學鴻詞爲校書郎抵淮南委婚  
幣焉會陳商葬其先貧不振虞卿未嘗與游悉所齎助之累擢  
監察御史穆宗初立逸游荒恣虞卿上疏曰烏鳶遭害仁鳥逝  
誹謗不誅良臣進臣敢冒誅獻瞽言臣聞堯舜以天下爲憂不  
以位爲樂况今北虜方梗西戎不靖兩河有瘡痍之虞五嶺罹  
氛厲之役人之疾苦積下朝之制度莫修邊無見儲國用寢屈  
固未可以高枕而息也陛下初臨萬幾宜有憂天下心當日見  
輔臣公卿百執事垂意以問使四方內外灼有所聞而聽政六  
十日入對延英獨三數大臣承聖問而已他內朝臣偕入齊出  
無所諮詢諫臣盈廷忠言不聞臣實羞之蓋主恩疏而正路塞

靈寶縣志

卷九

藝文下

十六

新德印刷所承印

也公卿大臣宜朝夕燕見則君臣情接而治道得矣今宰臣四  
五人或頃刻侍坐鞠躬隕越隨旨上下無能往來此由君太尊  
臣太卑故也公卿列位雖陟降請地曾未奉優賤承下問雖陛  
下神聖如五帝猶宜周爰顧逮惠以氣色使支體相成君臣昭  
明陛下求治于宰相宰相求治于臣等進忠若趨利論政若訴  
冤此而不治無有也自古天子居危思危之心同而居安慮危  
之心則異故不得皆爲聖明也俄遷侍御史改禮部員外郎史  
館修撰進吏部李德裕之相出爲常州刺史李宗閔復入以工  
部侍郎召遷京兆尹太和九年京師訛言鄭注爲帝治丹別小  
兒肝心用之民相驚扇護兒曹帝不悅注亦內不安而雅與虞

卿有怨卽約李訓奏言語出虞卿家帝怒下虞卿獄于是諸子弟自囚闕下稱冤虞卿得釋貶虔州司戶參軍死子知退知權壇堪皆擢進士第漢公字用乂始辟興元李絳府幕累遷戶部郎中史館修撰轉司封郎中更宣武天平兩節度使卒子壽範仕亦顯汝士字慕巢中進士第又擢宏辭牛李待之善引爲中書舍人開成初由兵部侍郎爲東川節度使時嗣復鎮西川乃族昆弟對擁旌節世榮其門子知溫知至悉以進士第入官知溫終荆南節度使知至爲宰相劉瞻所善以比部郎中知制誥累擢戶部侍郎楊氏自汝士後貴赫爲冠族所居靜恭里兄弟並列門戟咸通後在臺省方鎮率十餘人

靈寶縣志

卷九

藝文下

十七

新舊印所承印

楊元琰傳

節錄唐書

楊元琰者字溫虢州人漢太尉震十八代孫生數歲未言相者視曰語遲者神定必爲重器及長秀眉美髯崇眉博頤居父喪七日不食服除補梓州參軍平棘令課第一御史府表其政璽書褒厲再擢永甯軍副使忤用事者免職初中爲安南副都護三徙爲京府長史五遷州刺史咸有風績初張柬之代爲荊州共乘艫江中私語外家革命元琰悲涕慷慨志在王室柬之執政故引爲右羽林將軍謂曰江上之言君詎忘之今可以勉乃與李多祚等定計斬二張進雲麾將軍封宏農郡公實封戶五百賜鐵券恕十死敬暉等爲武三思所構元琰知禍未已乃詭

計請祝髮事浮屠悉還官封中宗不許暉聞尙戲曰胡頭應祝以元琰多鬣似胡云元琰曰功成不退懼亡我不空言暉感之然已不及計暉等死獨元琰全再遷衛尉卿又上官封願追寵其親帝哀憐增越州都督長史李多祚死太子難元琰坐厚善繫獄蕭至忠救之免睿宗立數書乞骸骨不聽四遷刑部尙書封魏國公徙太子賓客詔設位東宮太子爲拜俄致仕開元六年卒年七十九謚曰忠臨終勅諸子薄葬子仲昌字蔓以通經爲修文生對策元宗擢第一授蒲州法曹參軍判入異等遷監察御史坐累爲孝義令鸞降庭樹太守蕭恕表其政徙下邳終吏部郎中仲昌資長于吏常分父邑租賑宗黨御身以約善與

靈寶縣志

卷九

藝文下

十八

新豫印刷所承印

人交士樂從之遊云

太保許恭襄公諱論傳

明汪道昆

當世世家首稱靈寶許氏蓋世及卿相庭中四極人臣作始則襄毅公代興則莊敏公文簡公恭襄公並以勳伐名世不佞待罪郎吏再得事恭襄公襄毅公有子如高陽公其季也高太夫人以宏治乙卯生公幼從襄毅公歷邊事輒以操戈布陣爲戲喜談兵始就外傳善屬文襄毅公心奇之旣冠而字之曰廷議正德己卯舉鄉試第四越七年成進士奉使餉榆林邊士氣勃勃自負直將長驅沙漠封狼居胥出理刑州以無害課最會仲叔並列卿貳例格臺垣尋進職旣終高太夫人喪補禮部奉詔

進九邊圖論世宗嘉納之見者咸以爲切中時宜卽攘苴無讓  
歲庚子由尙書郎進南京光祿少卿尋遷南京大理寺丞釋囚  
汪敬劉鎮寃獄會邊事起兩京交薦公可備急邊會推京兆撫  
臣署公名居次上曰是嘗上九邊圖論者遂進都察院右僉都  
御史撫薊州公始入軍上備邊十二事要以振旅宣威汰冗蘇  
困居常選鋒團練攢槽飼秣士馬一新白通事結敵入邊襲殺  
守備大掠而去公督將士設伏出奇斬白通事及首敵四十人  
捷聞進右副都御史賜金幣躬歷諸要害築邊城增敵樓造營  
房計出萬全登陴可守矣以勞致疾請告西歸庚戌敵大入薄  
郊關廷臣詔荐公可屬大事上覆閱圖論驗公蚤見亟召公嚴

靈寶縣志

卷九

藝文下

十九

新像印刷所承印

嵩故不可公公羈闕下踰年得命出撫山西公籌山西一如籌  
薊上書力卻互市厚戍嚴關疊疊數十章無不剴切乃設亭障  
謹烽火列拒馬佃營田部署周詳屹然足當山河之固矣敵犯  
柞子塢不得入乃伺大同龍鬚墩公集精銳邀擊之敵挫復入  
公親援鼓護軍血戰以捷聞詔進兵部右侍郎賜金幣獎諭壬  
子八月敵犯紫荆關公督八營兵布八陣厚持之敵聞而遁時  
公業已受詔協理京營會城京師公奉璽書爲植不佞越在版  
築從公周旋比訖工公不與賞時雲中上谷飢甚釋憾者出公  
督府且穽公用出關檄傳雲中兵敗殺副將公笑曰治亂如治  
絲也急之益棼亟發條約懸書徧諭之閩伍乃輯公疏其狀乞

假歲月以布恩威上心然之手條約置坐側公至申令誓師吾家世受國恩直將奉不肖之軀以殉爾曹超距之日久矣甯避疆場而就市曹意懇辭嚴人人感奮既以軍興不給亟請發度支通鹽筴足芻糧廣轉輸密綜核比年不歲不旬月而穰矣妖民呂鶴結敵人敵以潛師從公決策擒鶴斬之獻馘者四十詔進右都御史則以應卒而制勝居多鶴既誅敵旋馬西向公既敗之紫塞八角追襲俘馘百七十有奇詔進兵部尙書蔭一子世襲錦衣衛千戶總督如故甲寅敵連營犯瓦窰口公業已完聚備之敵嘗我軍佯遁旋入公督諸軍奮擊俘馘百四十有奇明年秋敵入掠獨石其首僚答大舉四十萬衆寇山西公分部

發兵遣輕騎搗其穴據險設伏夜出銳師破其營敵狼籍分崩死傷不可勝紀復犯龍門火石嶺公勒標兵尾擊之至響水鋪出敵不虞募死士持刀斧乘夜突敵中所觸糜爛敵大潰墜崖竄谷膏血川原伏兵悉起夾攻聲震數百里火鼓澈夜不絕明發殘邊踉蹌而聚號泣而遁公乘勝躡之俘馘五百三十詔加太子太保蔭一子世襲正千戶上益多公伐入爲兵部尙書于時北邊南倭警息日至上患倭與患敵等集郡議下本兵公折其衷上平倭幾事諸軍謹奉廟略悉中機宜丙辰倭入淮陽敵入甯夏諸軍戮力驅勦悉從本兵受成苗寇盧阿項粵寇馮天恩會甯寇許以明陳孔榮各負固稱兵有司遞上變決策誅首

事者餘黨悉平上故眷公習兵下手札問邊防大計公掇其要七事以對悉當上心大同右衛孤懸寇圍不解公陳六事五要策之詳大率主于振勵積衰責成專任言者俛俛告急請罷本兵憾者主之公遂免己未敵大掠灤西上曰薊遼督府務得人朕欲仍用許論命甫下驩聲振邊隅公遞上便宜申條約一如嚮法庚申敵復把都既辛愛大舉分掠東西公業已完繕停障簡練部伍不遺餘力邊百窺不得一間入夏不解春防無何伺大水峪聚精騎傳諸堞計無堅不瑕公登陴誓諸軍力戰而却追至段伏嶺俘馘以聞上賜金幣軍中尋下譽命憾者無所釋適以虛報邀功濫獻六俘面詰乃寢公既經略邊徼分爲十區

各以憲臣監之區分衝援爲主守兵分奇正爲椅角至今從之歲大授列戍嗷嗷待餉公爲之請賑言者以亟請適公遂罷公核諸軍實無闕出入乃己丙辰冬十月公自理喪具端坐而終年七十二昔在庚子公守南宮一羽人遺公書稱默齋大司馬默齋公別號也歷十有七年而徵當公節巾一巨星若盤盂隕西北殆亦天授豈惟世德乎公固于文事優率以用武顯終始家邦身繫邊圉安危者三十餘年以首功計者二萬三千降者二千寇首旗纛車馬器仗以齒獲計者三萬五百修築邊牆以里計者四千墩堡以座計者三千人言襄毅之有恭襄猶絳侯之有條侯驃騠之有冠軍也顧襄毅阨于寺人恭襄猶絳侯

卒使齎志以歿底績未逞其成其虧是或天道得全難矣穆攷卽位公子倓詣闕上書詔復故秩謚恭襄諭祭九壇遣中書劉天衢營葬公配河東李氏累封一品夫人始生倓倓以任子歷二千石守衡州長孫茂樞任執金吾次茂杞任宏農萬戶進遊繫將軍戍昌平曾孫二長浩然次廓然公之世澤未艾也左司馬氏曰不佞道昆故受先大夫戒卽與聞兵事絕口不談頃烏寇入淮螿運道議遣故右司馬江公部兵出討簡二部郎以從公首署不佞名疏入矣人言郎未嘗談兵事公安取郎公笑曰是惟不談視談者賢矣竊惟公宏廓深遠片言千鈞玉立溫溫不色喜怒卽公目屬不佞無絲吐辭爰及任人較若衡石儼然

靈寶縣志

卷九

藝文下

一十二

新豫印刷所承印

大臣之度其亦諸先正家法邪昔襄毅右孫忠烈以疎得之卽不佞非其人公象賢矣不佞竊爲公立傳其詳具高拱新鄭相公志中

許天卿先生傳

邑主事 李鏡江

公諱宰字天卿號敬庵行二明太保襄毅公八世孫也幼聰敏處事果決取與雖一介必嚴讀書嘗數行下爲文章援毫立就如宿構者年十三爲弟子員旋食餼于庠雍正癸卯登賢書名在第二乾隆丙辰捷南宮觀政西曹江蘇司復補雲南司主事洊升四川司員外郎奉天司郎中讞獄多平反所至有聲未六旬卽請假歸處林下者十五年初公爲諸生時同邑蘇生某語

人曰吾向見進士魯南張先生手足失措今見天卿先生藹然如何親者及接談正倫侃侃懷然不可犯吾怖焉既筮仕公已不逮所天有餘俸必函而致之兄且曰吾家產粗足此所以供兄晚年酒食之費勿更爲兒輩謀田宅也其在雲南司會大清門外有婦屍裸體傷如割而未裹足者部役以並無兇據逮係門官千總及左右肆商百餘人俟勘公至悉令釋之本部堂司各官無不駭異謂犯首不得事干參罰咎將誰執公曰大清門外非尋常百姓所至此婦又未裹足其爲旗人無疑應牒八旗佐領限三日緝兇送部甫二日而罪人得僉以此服公之鑑時乾隆九年事也及十二年公任四川司偶見吏持江蘇司稿曰

靈寶縣志

卷九

藝文下

二十三

新德印刷所承印

此吾舊日學習處也啓視之則有民衆聚焚稅房一案本司擬梟首二十七人斬絞流徒三百餘人公惻然曰此房應請咨查戶部果係奉旨建設所擬允協若係有司私設病民不幾濫獄乎本司皆唯唯懇公公卽呈堂查戶部如公言旋命公主稿公盡釋諸人以聚衆肆焚改殊死二十七人擬配堂核無異卽具疏請上得疏甚喜且曰此案本司官不能定而定案者乃在四川司乎特命加公隨帶一級公前後開釋且數百人視襄毅公撫甘肅定西域曾活哈密八百餘人其志事豈有異歟尋遷奉天司郎中公熱于律例每諸司有所擬詢之公公爲誦之不遺誤一字因爲之語曰許公在坐如律在左其告歸也衆留之不



可得咸頓足曰行律去矣用唐書稱虞世南爲行秘書語也先是公任雲南司雲撫疏劾墨吏二十餘公酌釋四人內有先爲某縣令後擢直隸灤州刺史王某者王不知也俄得之督學使者李乃以酒二罌茶二籠隱巨金爲公壽公卻之曰吾之脫君也以公而君反以私耶餽者慚而退既解組足跡不履城市邑前令周侯延主修邑志時得一相過從餘未嘗至公庭惟日與諸子侄輩談論載籍評課藝高下或稍不愜輒筆自爲之有晉生荆某以課藝三十就質茶頃公披閱已周掩卷枚舉其得失並字畫訛誤如指掌荆故才士頗睥睨一切至是汗流浹背退而言曰公鞅掌簿書幾二十年猶鑿核如是耶年七旬又四以

壽終子及孫及曾孫皆以名諸生嗣其家

墓誌一

陝虢觀察使盧公墓誌銘

唐穆員

唐貞元四年夏六月陝虢都防禦觀察轉運等使陝州長史兼御史中丞范陽盧公壽六十中疾于位優詔得謝家東都履信里秋七月甲戌終于其寢冬十月乙酉歸于此堂禮也萬安之腹因山而封嵩邱伊流環帶捧抱龜筮叶吉神宅是宜府君諱岳字周翰其先齊太公之後公子高奚食采于盧因以命氏及自東漢中郎植及元魏秘書監陽烏第四子都宮尙書道虔凡十葉代代得祿其兄子思道所著家譜詳之道虔生齊右庶子

昌衡昌衡生隋澤州內部長寶素寶素生皇朝錦州長史安壽  
安壽生汝州司馬正紀正紀生絳州聞喜令杭惟是婚姻其類  
爲義方相襲禮樂冠蓋侔其盛焉府君聞喜之第二子也發地  
之祥鍾天之和處爲孝而友悌從之出爲忠而貞諒從之施于  
事物爲聰明純粹而寵位從之天寶末擢明經調宋州襄邑主  
簿歷婺州夔州二錄事參軍以大理評事兼監察御史始湖南  
觀察之政前帥韋之晉倚之以清後帥辛京杲籍之以立旣眞  
拜又稍遷殿中侍御史京杲入覲咨以留府時有驕將素人京  
杲實父子兄弟之其蹈罪奸令率以爲順府君告之以刑辟明  
之以無赦而郡帥如故乃盡戮之由是軍政理而庶政舉初朝

靈寶縣志

卷九

藝文下

二十五

新舊印版所承印

廷之任京杲也以恩舊用不責之以龔黃之績至是還之不可  
易之不能留之京師以盡府君之美若是者五載累錫銀印朱  
紱金章紫綬加侍御史建中初今上嗣位有自屬部謫官入爲  
相者謂公才膺方鎮受容府經略招討等使就加御史中丞南  
越廣俗井稅之入鮮具其布帛之幅通流之貨悉異中土府君  
以美利利之王制治之又每歲有西原之警府君布政羣盜爲  
人元年季春賦入貞元三年來朝拜少府監上以陝郊之守藩  
垣二京冠冕諸夏非沃心之臣勿授前此元臣授之是爲郡伯  
今相李公自中書侍郎徵拜思嗣其事重難其選府君于是乎  
有由衷之拜惟事小不敢不戒大不敢不懲日嚴祇恪惟新厥

舊由是軍服其嚴明而報之以肅吏從其簡易而報之以理惜乎其自下車及遘癘不十月焉嗚呼有其才無其時之嘆不甚于有其時而無其命今之方鎮蓋唐虞四岳十二牧之職而周漢股肱爪牙之任府君承堯之咨庸舜之俞累分共理之憂方咨薄伐之効凌風拂翼徘徊于冥冥之間何天奪上心而命孤人望是可以爲嘆歟府君前娶隴西李氏實姬姜之偶先春早落今也力不及遠未遑合祔繼室以同宗同德而年位異之三子載戢戢長齒未童幼哀及禮洎兄子嘉猶稟伯父永州司馬嶠之命泣血襄事見託于銘詞曰世重五姓冠于百族卓彼山川來宗嶽瀆帝慈蒸黎命分司牧慎選良臣俾之戩穀猗歟府

靈寶縣志

卷九

藝文下

二十六

藝文下

君受天之祿未見其止如何不淑邱隴何所郊原重復瑞氣嘉祥于是乎育前川爲陵北地爲谷世系德代于是乎獨

行狀一

壽官彭樸菴翁行狀

邑人賀 賁

樸菴翁今晉潘參政東谿彭公之父也東谿自鎖闥奉天子命建牙于汾水之上方九月而樸菴翁卒于家于是東谿公至自於汾上伯兄陸野大尹公至自山陽皆匍匐洒淚星行而來哀痛宅憂以敦葬事賁亦家難蓼集弔二公而增歔二公戚然泣下曰哀哀先君逝矣吾子可無言乎賁于是歸而作樸菴翁傳蓋予與二公少同筆硯而東谿公又同舉于鄉也以通家骨肉

相視者數十年余固稔知翁哉傳曰翁姓彭氏諱儀字大禮別號樸菴其先商賢大夫之裔也近世諱逸莫攷曾大父顯大父滿父珪世居靈寶下坡頭村隱德弗耀然族姓整睦爲鄉評重母黃氏以成化丙午九月二十日生翁端慤雅重有異質與兄儒習舉子業俱負時名兄早卒遂廢業力田用孝養厥父母擴產饒裕歲時洗腆致酒合族屬爲父母慶承順婉愉意效楚菜之娛母氏善念顓篤常焚修祈請于名山川南陟武當西登太華翁爲褻羸跋涉從之雖以十數不少懈其奉養殷勤類如此與弟倫同居垂白友愛特至及析產相讓無間言撫任簡若己出爲延師設家塾羣諸子弟而訓迪之樂爲供饋見其親賢取

靈寶縣志

卷九

藝文下

二十七

新像印刷所承印

友則愈益喜或惰遊燕辟則滋不悅以故諸子弟皆奮勉就學而彭氏彬彬然咸稱儒矣嘗獨行道拾遺金錠候物色者至悉舉以還平居鄉井溫恭坦夷和易開爽未見有疾言遽色終身與物無忤其紛爭者詣質翁爲理遣數語卽自解謝去亦或愧悔爲翁知狀者雖太邱化邑彥方望廬擬此何殊焉初戊子歲大飢翁出所積粟數百石貸里閭之餓者己丑又饑翁復以其餘粟貸之如前多所全活旣而卽焚券不責其償自是家稍落時至窘乏翁處之泰然無難色甲午東谿兄弟同補廩膳員癸卯東谿公舉于鄉丁未登進士第尹于大名之滑以祿養迎翁至官所敷德樹聲滑人至今思之蓋翁有家教也及擢給舍翁

從之入京封駁大議與翁商確方而不劇圓而不窳又爲名臺朝紳皆動色禮下翁乃與錦衣鄭蘭齋封君馬蕙坡諸老凡十有二人焉皆龐眉淵德角巾雅服結爲會社卽碧雲寺昆廬閣西湖諸勝概日邀遊賞聚飲極歡情神暢怡達觀高蹈眞香樂社之遺風也仍各繪一幅藏以世講內翰美公題曰燕台耆社圖知者傳頌以爲一時盛事及東谿公陟今官而伯兄陸野亦詣任山陽皆書錦過里擁騶乘軒門望赫奕諸子孫稱觴爲壽滿前翁樂之于是葺宇家林尋念親戚故舊陟巘臨流徜徉夷猶不復從二子行矣至是感淋疾百方不治遂卒享年七十有四嗚呼往余丙辰歲舉進士謁翁翁喜慰勞再三諭以居官守

靈寶縣志

卷九

藝文下

一二十八

新豫印刷所承印

己之要鑿鑿可則及余調章邱令又以書抵余父中川翁曰賢郎輩身名已立吾欲與先生爲故鄉白首之歡父亦書旋答雅相結許嗚呼痛哉豈意昊天不弔父亦戊午十一月二十九日終于章邱官舍而翁以己未十二月某日竟不起于家耶相繼僅逾年嗚呼痛哉翁素喜黃老嘯吸引導之術而吾父亦然故又式相好也如參同契悟眞篇類皆往復講究務極精覈每自謂有得尤篤愛純陽文集曰此元學宗的也以授東谿公梓行大方伯孔文谷爲校正序簡端改題元覽編以廣其志自東谿公以進士官十餘年階三品而翁之封地尙滯于時例侍講毅齋請加壽官冠服故翁又稱壽官云嗚呼其將大有所授耶配

孺人楊氏先翁卒八年矣其徽音見于尚書孫東穀員外郎許近田所爲誌狀子男五長符卽山陽尹積學累行凡七舉不第游成均譽聞籍甚任山陽甫五月而以翁艱歸次籌晉府典膳次範卽參政公英姿偉度負志傑才當爲國家賢宰輔次箴太醫院醫官次籍邑庠廩膳員

論三

函關紫氣論

芮城廩生馬 上

余渡黃河卽問其所謂函關函關者關尹喜受經處也老聃將過函谷尹候氣輒先知之厥後尹作文始經行世蓋亦仙尹也獨是紫氣之說渺而難稽以孔子盛德光輝過都越邦曾無望

靈寶縣志

卷九

藝文下

二十九

新豫印刷所承印

彩而知之者而柱下老史行色動機反與後世紫雲烏龍者同則其果無乎或曰獲石于織女則星犯斗牛加足于帝腹則星于帝座又何疑于大仙耶余曰不然星附天者也有屬氣因地者也無主昔斗牛紫氣術者多謂吳興雷煥于豐城掘劍紫氣遂無豈非因乎地耶奩所得劍後化爲龍蓋龍之所至往往感生紫氣孔子謂老子猶龍後人聞其遺跡遂附會其說耳卽曰有之亦係適逢其會蓋函關緊逼河流水氣上騰往往烟斜霧橫不足爲高人兆也今關西客路南移而古驛村亭址猶在一帶高崗直枕流水每晨夕則烟凝山紫余以客餘得縱目其間殊覺其塵不比新驛黃埃盈尺吾聞仙家每好清淨之說又聞

龍行舊路仙踪可復余其日暮遇矣

可能論

邑人張象明

天下之事理與勢而已理則論其可不可勢則論其能不能可不可之分問之于心能不能之判審之于世理可而勢亦能湯武之革命伊周之攝權是也理不可而勢能曹丕之受禪陳橋之兵變是也後世之爲篡爲霸等等皆然理可而勢不能如孔明之欲滅魏文山之欲逐元張睢陽之拒尹子奇方正學之抗明成祖以及千古之功未成而人歌頌之尊崇之者皆在此類理不可而勢亦不能如管叔之畔周子之之篡燕隗囂之抗光武劉豫之負趙宋千古之進退無依病狂喪心者皆在此類當

靈寶縣志

卷九

藝文下

三十

新豫印刷所承印

今之世無論國家社會一切作爲論能不能者甚多而論可不可者無幾日本之蹂躪中國其兵能也中國之屢起內鬩其權能也賊官汚吏土豪劣紳之魚肉民衆其勢能也殘父賊子劣弟狼孫之摧殘骨肉其力能也試繩之以公理問之于天良其所作究可不可吾知其閉口無以應矣夫天地之間至于舍理而論勢吾知一草一木之皆不得安矣吾人心田一經棄理而趨勢吾知一舉一動之皆不得當矣况天下之勢千變萬化吾人苟本勢以作事則必瞻前慮後顧此夫彼不至于身敗名裂不止其路甚錯其力甚勞其效甚微其弊甚多何如捲去浮雲天空地闊心如日月理如南針可則爲之不可則去之爲之而

成功垂竹帛爲之而不成名標青史成則千秋羨之敗亦千秋  
弔之孔子曰一以貫之王陽明曰道在斯矣論語曰君子求諸  
己小人求諸人孟子重曾子之守約刺告子之義外其殆皆論  
理之可不可而不論勢之能不能歟吾人苟能當權以理行政  
苟不當權以理持身凡一事之微一言之細問之于良心斷之  
以公理可則爲之不可則止至勢之能與不能不必熟慮成也  
非喜敗也非憂譽之何加毀之何損處世如是治家如是守身  
如是存心如是聖人復起或不吾棄矣然非知之艱行之爲艱  
吾今年近六十將于此加之力焉

人道論

張象明

靈寶縣志

卷九

藝文下

三十一

新修印所承印

天地之氣曰陰與陽而爲陰陽之主宰者理也人身之生憑血  
與氣而爲血氣之司命者仁也稟陰陽之氣以成形人與禽獸  
草木之所同也得天地之理以成性人之所以異于禽獸草木  
者也故弱肉強食優勝劣敗者禽獸之道也競秀爭榮有相害  
而無相成者草木之道也若人之爲道則不然成已必兼成物  
修身必兼治世大學之道新民與明德並重中庸之道盡己之  
性必能盡人之性此所以與天地並而爲三才也若但飢食渴  
飲損人利己無惻隱之心無愛羣之命則與禽獸草木何異卽  
令天下無人亦不過少萬物之一類耳夫亦何足惜哉故欲不  
負乎人道則父必慈子必孝兄必友弟必恭朋友必信鄉鄰必



睦師友必切磋親戚必提攜爲官者必求民衆之安生富庶風俗之孝悌忠廉爲政府者必去人中之豺狼逐人中之狐狸淨人中之蚊蠅蟻蝨固人羣之門戶藩籬使之家有定養志有定向然後可以盡人道之責土匪者豺狼也賊官者狐狸也假名義以剝削民衆之脂膏借公勢以蹂躪民衆之人權者蚊蠅蟻蝨也海關也險寨也兵艦也飛機也皆人羣之門戶藩籬也本仁道以行之循人道以治之勿營私而生內鬩勿惜命而損國威勿以弱肉強食不講公理之說引人入禽獸之途勿以相排相擠不知禮讓之說引人入草木之境家庭相愛親隣相愛種族相愛人類相愛然後可謂之人道然後可以言治人此非吾

靈寶縣志

卷九

藝文下

三十二

新豫印刷所承印

人之任意立說也生人之公理然也試向牛馬而揖敬之彼不知感焉向草木而喩咻之彼不知恩焉一言爲人雖五尺之童蒙街上之乞丐敬之則知答欺之則知怒其稟于天者與禽獸草木異也吾邑三二年來父殺子弟弑兄婦離夫子弑父孫弑祖鄰右相摧殘親朋相傾陷者層見叠出令人寒心人道之不講其禍大于洪水猛獸焉及今日而速挽之非三十年不爲功而况江河之勢滔滔日下過此以往尙不知伊于胡底方且排斥孔孟呪罵唐虞男女之別極力打破之廉恥之說羣起笑非之父不父子不子兄不兄弟不弟夫不夫妻不妻謂此可以強國謂此可以保種其誰信之居今日而欲挽狂瀾必先使人人

知其爲人使人人知人道之異于禽獸草木而擴充其羞惡之心實行其愛羣之志勿爲潮流所移勿爲訛言所惑持之以定見行之以毅力則庶乎其萬一焉然船下三峽鳶飛九霄勢之所趨誰能挽之亦獨有斯言焉而已誰是講人道者誰是行人道者若其有之吾願神明奉之矣

賦四

函谷關賦

晉江 統

登彼函谷爰覽邱陵地險逶迤山崗相承深壑累降修依重升下杳冥而幽曖上穹崇而高興帶以河洛重以崤阻經略封畿因固設險異服則訶奇言必檢消姦宄于未芽殿邪僞于萌漸

靈寶縣志

卷九

藝文下

三十三

新豫印刷所承印

及文仲之斯廢乃建仁而受貶聖王制典蓋以防淫萬里順軌疆場不侵撫四方而守境豈特阻于高岑彼桀紂以顛墜非山河而不深顧晉平之愛險獲汝叔之忠箴鄙魏武之墜志嘉吳起之宏心末代凌遲惡嬴氏之叛渙乃因茲而自增下凌上替山冢萃崩覽孟嘗之獲免賴博愛而多寵惟七國之西征仰斯阻而震恐其隩險之難犯將羣師之無勇咨漢祖之絕關又見敗于勅項尹喜愛處觀妙研精李老西徂五千遺聲張祿旣入穰侯乃傾營陵之出稟築由生衛鞅及商喪宗摧名終軍棄繻擁節飛營觀浮僞于末俗思元貞乎大庭

函谷關賦

唐閻伯璵

函谷天險宏農邦鎮南據二虢地荒三晉洞開一軌壁立千仞  
徑薦雙合梯苔孤峻世濁先封道康後順遠秦塞近嶠陵幽泉  
脈脈斷峯稜稜增障霧杳聚柝煙凝高卑異級坻嶸相承靡屈  
靡究不騫不崩實隄防之樞轄爲造化之緘滕齊之以權衡危  
不可得約之以符璽信而有徵昏主旣廢聖人以興慎終于始  
欲罷不能觀夫憧憧往來驂駐成霧據于石東西十里臨其深  
前後咫尺建瓶百二之國扼喉三七之路幅員旣長城小而固  
恃元化之陰隲望藝倫之攸序于是勅用傳禁棄繻商君本魏  
之公子柱史乃周之臣符知結草之可守故習坎以無虞原夫  
阻河稱深因山爲衛背宇宙之衝連阡陌之勢萬方納款百工

靈寶縣志

卷九

藝文下

三十四

新豫印刷所承印

獻藝四旁磔攘諸侯之政典一丸成功陪臣之邪說直指天符  
變梯夷之末橫分地維弛旂旒之贅聿修綱紀以遏醜戾或懸  
門而不發殊勇夫之重閉懷德惟甯將鎮其細旣皇漢之辟國  
實局鑰于新安固之胡易捨之則難復襟帶于故道徒頽壤而  
未乾善孟子之禁暴惡臧孫之謬官存古訓以是式庶斯文之  
不刊

懷忠賦

唐歐陽詹

丙寅歲因受譴季冬之月次于函谷歷關龍逢墓焉昔聆其風  
未嘗不迴腸隕涕觀夫瑩壘心又增傷遂寫憤于言爲賦以弔  
先生以忠諫致命故以懷忠命篇云

天生彼癸兮用殲覆于夏家愆悠悠而罔極毒浩浩而無涯無辜殞身肆市朝之若莽有道併命委炮烙以如麻伊先生之謬謂爲酷烈之所加嘗披圖于往載每廢卷以興嗟蕭條舊邑莽蒼空陂陷陵成坎古木無枝或曰此其墓也又一陪以增悲嗚呼麟非吞噬之儔詎虎狼之共穴鳳實仁靈之類豈鷹鷂之同列惟玉石之明分亦薰蕕之自別是以譽譽心競昂昂面折彼炎炎之燎原信撲撲而不滅甯歸死以伸懷不貪生而結舌痛矣哉古人有言輔仁者天福善者神胡爲是日功不如人使典章之不信俾忠義之空勤律中太呂日臨蒙谷風颯颯于衰草烟茫茫乎平陸思悽悽而填臆淚淫淫以盈目義則非其執友親故遠夫骨肉節臨危而不撓行于艱而彌篤惟其有之是以傷之而慟哭

梁文貞賦

許讚

人之性有本于天植而凡物不足以操奪之者是浩然之氣也是氣也有擔當有忍耐不爲習染所移文貞痛母不逮養穿墻廬墓汎掃供俸人可能也至暗默三十年如一日不可能也是孟子所謂至大至剛曾子所謂大孝置之而塞于天地者言異理同文貞有焉樹欲靜兮風不停日欲晞兮寒雲暄親不逮兮子身在而伶仃昊天彌亘於萬里兮親恩何其可形少從軍兮邊庭荷霜戈兮淚零望高堂兮多繁星聽音聲兮過郵亭歲月

忽其愈邁兮注雨淚之泠泠一朝偶還鄉土兮親棄養而日曠  
痛承顏之終絕兮有身有生其曷甯與其圖來世之養兮孰若  
由隧而供奉於幽冥若乃穿壙爲門晨夕汎掃廬於墓左暗默  
不言痛惟此舉兮固已致孝理於無極歷三十年而無間兮巨  
亡今而一嗚呼至哉天性厥孝難銘甘露降於瑩木兮白兔效  
靈昔絳老言年武子厚賚而謝過范升精易漢帝寵重而辟官  
何文貞道純仁孝兮寂徵命之未經羗天意旣爲之明格兮胡  
人事反爲之幻滯君固重孝義而輕時名兮求治者舍是何以  
爲斯世之儀型君虢人也余生長斯土敬爲文以弔嗚呼虢水  
如帶兮虢山如屏虢田膺膺兮虢樹長青招子之魂兮薦水萍

靈寶縣志

卷九

藝文下

三十六

新豫印刷所承印

孝名歷千載兮日星熒熒

詩二百二十二章

五言絕句二十八章

經函谷關

張九齡

函谷雖云險黃河已復清聖心無所隔空此置關城

古函谷

皮日休

破落古關城猶帝扼帝京今朝行過客不待曉鷄鳴

新亭

韓愈

湖上新亭好公來日出初水文浮枕簟瓦影蔭鼃魚  
流水  
前人

汨汨幾時休從春復到秋只言池未滿池滿強交流  
竹洞 前人

竹洞何年有公初斫竹開洞門無鎖鑰俗客不曾來  
月臺 前人

南館城陰闊東湖水氣多直須臺上看始奈月明何  
渚亭 前人

自有人知處那無步往蹤莫教安四壁面面看芙蓉  
竹谿 前人

靄靄谿流慢稍稍岸篠長穿沙碧簞淨落水紫苞香  
北湖 前人

靈寶縣志

卷九

藝文下

三十七

新豫印刷所承印

聞說遊湖棹尋常到此迴應留醒心處準擬醉時來

花鳥 前人

蜂蝶去紛紛香風隔岸聞欲知花鳥處水上覓紅雲

柳谿 前人

柳樹何人種行行夾岸高莫將條繫纜著處有蟬號

西山 前人

新月迎宵挂晴雲到晚留爲遮西望眼終是懶回頭

竹逕 前人

無塵從不掃有鳥莫令彈若要添風月應除數百竿

荷池 前人

風雨秋池上高荷蓋水繁未諳鳴撼撼那似卷翻翻  
稻畦 前人

罌布畦堪數枝分水莫尋魚肥知己秀鶴沒覺初深  
柳巷 前人

柳巷還飛絮春餘幾許時吏人休報事公作送春詩  
桃源 前人

原上花初發公應日日來丁甯紅與紫慎莫一時開  
北樓 前人

郡樓乘曉上盡日不能迴晚色將秋至長風送月來  
鏡潭 前人

靈寶縣志

卷九

藝文下

三十八

新象印刷所承印

非鑄復非鎔泓澄忽此逢魚蝦不用避只是照蛟龍

孤嶼 前人

朝遊孤嶼南暮戲孤嶼北所以嶼孤鳥與公盡相識

方橋 前人

非閣復非船可居兼可過君欲問方橋方橋如此作

梯橋 前人

乍似上青冥初疑踞菡萏白無飛仙骨欲度何由敢

月池 前人

寒池月下明新月池邊曲若不妬青研卻成相映燭

右二十一首向名三堂二十一咏

出關路

白居易

山川函谷路塵土遊子顏蕭條去國意秋風生故函

書院圖

許鵬扶

文峯秦嶺峻學海太河長白鹿欣重振巍巍起棟梁

渠道圖

前人

縱早甯愁雨潺湲笑穉夫於陵陳仲子抱甕不須圖

四境圖

前人

提封百里勝煙火萬家春御榻題圖籍桃林此幅真

風雪寺在曲沃

鄂容安

野寺幾經過春深又此行看花且聽鳥風雪隔年情

靈寶縣志卷九

藝文下

三十九

新豫印刷所承印

五言律二十八章

老子故宅

唐元宗

仙居懷聖德靈廟肅神心草合人蹤斷塵濃鳥跡深流沙丹灶  
沒關路紫煙沈獨傷千載後空餘松柏林

秋日函谷應詔

唐徐賢妃

秋風起函谷朔氣動河山偃松千嶺上雜雨二陵間  
泫雲愁廣隰落日慘重關此時飄紫氣應兆真人還

函谷關

于鄴

幾度作遊客客行長苦辛愁看函谷路老盡布衣人  
歲遠關猶舊時移草亦春何當名利息遣此絕征輪



函谷關

宋之問

二百四十載海內何紛紛六國兵同合七雄勢未分縱成拒秦  
帝策決問蘇君鷄鳴將狗盜論德不論勳

函谷關

楊齊哲

地險崤陵北途經分陝東逶迤泉水盡荒涼古塞空川光流曉  
日樹影散朝風聖德今無外何處是關中

過秦嶺

孟貫

古今傳此嶺高下勢崢嶸安得青山路化爲平地行蒼苔留虎  
跡碧樹障鷄聲欲過一回首踟躕無限情

虢州酬辛侍御見贈

岑參

靈寶縣志

卷九

藝文下

四十

新豫印刷所承印

門柳葉已大春花今復闌鬢毛方二色愁緒日千端夫子屢新  
命鄙夫仍舊官相思難見面時展尺書看

稠桑驛喜逢嚴河南中丞便別

前人

駟馬映花枝人人夾路窺離心且莫問春草自應知不謂青雲  
客猶思紫禁時別君能幾日看取鬢成絲

虢州送天平何丞入京市馬

前人

關樹晚蒼蒼長安近夕陽回風醒別酒細雨濕行裝習戰邊塵  
黑防秋塞草黃知君市駿馬不是學燕王

送王七錄事赴虢州

前人

早歲卽相知嗟君最後時青雲仍未達白髮欲成絲小店關門

樹長河華岳祠宏農人吏待莫使馬行遲

魏州西亭陪端公宴集

前人

紅亭出鳥外駿馬繫雲端萬嶺窗前睥千家肘底看開瓶酒色  
嫩踏地葉聲乾爲逼霜臺使重裘也覺寒

魏州臥疾喜劉判官相過水亭

前人

臥疾嘗宴起朝來頭未梳見君勝服藥清話病能除低柳共繫  
馬小池堪釣魚觀棋不覺暝月出水亭初

魏州南候嚴中丞不至

前人

池上日相待知君殊未回徒教柳葉長漫使梨花開駟馬去不  
反雙魚空往來相思不解說孤負舟中杯

靈寶縣志

卷九

藝文下

四十一

新舊印刷所本

題魏州西樓

前人

錯料一生事蹉跎今白頭縱橫皆失計妻子也堪羞明主雖然  
棄丹心亦未休愁來無去處祇上郡西樓

過宋員外之問舊莊

杜甫

宋公舊池館零落首陽阿枉道祇從入吟詩許更過淹留問耆  
老寂寞向山河更識將軍樹悲風日暮多

題楊魏縣竹亭

盧綸

夜宿密公室話餘將晝興遶階三徑雪當戶一池冰家訓資風  
化心源隱政能明朝復何見萊草古溝塍

關口遇徐邁

前人

廢寺連荒壘那知見子眞關城夜有雪冰渡曉無人酒裏唯多  
病山中願作鄰常聞兄弟樂誰肯信家貧

泛黃河

孟郊

誰開崑崙源流出混沌河積雨飛作風驚龍噴爲波湘瑟颼颼  
弦越寶嗚咽歌有恨不可洗虛此來經過

社日關路作

白居易

晚景函谷路涼風社日天青巖新有燕紅樹欲無蟬愁立驛樓  
上厭行官埃前蕭條秋興苦漸近二毛年

送錢給事赴虢州

劉得仁

帝心憂虢俗暫輟掖垣臣疲瘵初承制鄉閭似得春化成應有

靈寶縣志

卷九

藝文下

四十二

新豫印仙所承印

瑞位重轉聞貧用作鹽梅日爭迴臥轍人

函谷關

呂天益

樓堞連天起風塵接塞多關門臨碧澗山勢走黃河望氣空千  
載封泥竟若何祇今同軌日午夜任經過

昆羅寺

荀汝安

招提卜幽谷岑寂少人跡日上山鳥鳴春暮巖花碧農田犁青  
雲僧房結澗石坐此豁塵緣何當久棲息

函谷

許侂 知府邑人

雍豫襟喉地往來入貢衢關門臨野障河勢抱城孤層漢青牛  
杳荒臺紫氣紆南山葱鬱處似可避形軀

虢野

前人

一病憐秋晚頻遊借短筇寒烟廣野樹暮雨上方鐘詩興與吾將  
老酒懷誰更濃流連惜光景俯仰但塵蹤

關龍逢墓

張漢

身死忠名見從公叛未曾亡羞借夏日諫敢惕春冰西陝餘杯  
土南荒共舊陵黃圖灰燼後風雨夜燐增

陪邑侯踏勘荒田感賦

邝顯極

數盡洛西苦淒涼古虢州呼天倚父母何日樂田疇草色全欺  
麥風聲半認秋惟餘憔悴景泣對富民侯

前題

楊州杰

靈寶縣志

卷九

藝文下

四十三

新像印刷所承印

草宅疑無地流民賴有圖人亡還入籍土闢却懸租但得一分  
減不教積歲逋回天今有力切莫厭萊蕪

轆轤關

霍濬遠

古戍連烽火殘關何處家爭雄嚴虎豹攬勝問桑麻路迴雲垂  
草山深雪覆沙野梅燒不盡春到發新花

虢州後亭送李判官使赴晉絳

岑參

西原驛路挂城頭客散紅亭雨未收君去試看汾水上白雲猶  
似漢時秋

以下七言絕句五十四章

虢州西山亭子送范端公

前人

百尺紅亭對萬峯平明相送到齋鐘驄馬勸君皆卸却使君家

釀舊來濃

題觀樓

前人

荒樓荒井閉空山  
關令乘雲去不還  
羽蓋霓旌何處在  
空留藥白向人間

|     | 補  |     |     |     |     |     |     |     |    |     |    |     |    |    | 九  | 卷   |   |
|-----|----|-----|-----|-----|-----|-----|-----|-----|----|-----|----|-----|----|----|----|-----|---|
| 二十一 | 三  |     | 二十七 | 二十三 | 二十三 | 二十二 | 二十一 | 二十一 | 十九 | 十九  | 十七 | 十三  | 十一 |    | 十  | 八   | 頁 |
| 六   | 十九 | 六   | 二   | 十九  | 二   | 五   | 十八  | 十一  | 十二 | 五   | 十五 | 二十  | 十三 | 二十 | 三  | 十二  | 行 |
| 二十三 | 十六 | 二十四 | 十五  | 六   | 二   | 一   | 十二  | 十九  | 九  | 二十三 | 十六 | 二十四 | 二十 | 十五 | 十一 | 二十四 | 字 |
| 停   | 吏  | 菜   | 諜   | 熱   | 何   | 繫   | 鹵   | 椅   | 戌  | 宄   | 載  | 于   | 隨  | 績  | 途  | 遽   | 誤 |
| 亭   | 史  | 萊   | 牒   | 熟   | 可   | 擊   | 鹵   | 椅   | 戌  | 宄   | 建  | 千   | 隧  | 績  | 改  | 遽   | 正 |

黃河二首

杜甫

黃河北岸海西軍  
椎鼓鳴鐘天下聞  
鐵馬長鳴不知數  
胡人高鼻動成羣

黃河西岸是吾蜀  
欲須供給家無粟  
願驅衆庶戴君王  
混一車書棄金玉

題玉真觀李秘書院

韓翃

白雲斜日影深松  
玉宇瑤壇知幾重  
把酒題詩人散後  
華陽洞裏有疏鐘

赴虢州留別故人

盧綸

世故相逢各未閑  
百年多在別離間  
昨夜秋風今夜雨  
不知何處入空山

靈寶縣志

卷九下

藝文下

處入空山

酬楊侍郎憑見寄

劉禹錫

翔鸞闕底謝皇恩  
纓上滄浪舊水痕  
踈傳揮金忽相憶  
遠擎長句與招魂

答楊八敬之絕句

楊時亦謫居

前人

飽霜孤竹聲偏切  
帶火焦桐韻本悲  
今日知音一留聽  
是君心事不平時

酬楊八副使將赴湖南途中見寄一絕

前人

知逐征南冠楚材  
遠勞書信到陽臺  
明朝若上君山上一道巴  
江自此來

函谷關

汪遵

脫禍東奔壯氣摧馬如飛電  
轂如雷當時若不聽彈鋏  
那得關門半夜開

出城寄權虜楊敬之

李賀

草暖雲昏萬里春  
宮花拂面送行人  
自言漢劍當飛去  
何事還車載病身

桃林夜賀晉公

韓愈

西來騎火照山紅  
夜宿桃林臘月中  
手把命珪兼相印  
一時重疊賞元功

函谷關

胡曾

靈寶縣志

卷九下

藝文下

二

新豫印刷所承印

寂寞函谷鎖未開  
田文車馬出秦來  
朱門不養三千客  
誰爲雞鳴得放回

關下

崔道融

百二山河壯帝畿  
關門何事更開遲  
應從漏却田文後  
每度聞鷄不免疑

錢虢州以三堂絕句見寄因以本韻和之

白居易

同事空王歲月深  
相思遠寄定中吟  
遙知清淨中和化  
祇用金剛三昧心

余早歲與錢君同習讀金剛三昧經故云

曉過函谷關

李涉

因韓爲趙兩遊秦  
十月冰霜渡孟津  
縱使雞鳴遇關吏  
不知余



也是何人

題畫山水

楊汝士

太華峯前是故鄉  
路人遙指讀書堂  
如今老大騎官馬  
羞向關西道  
姓楊

任宏農尉獻州刺史乞假還京

李商隱

黃昏封印點刑徒  
愧負荆山入坐隅  
却羨卞和雙別足  
一生無復沒階趨

河邊曉望

司馬光

高浪崩奔捲白沙  
悠悠極望入天涯  
誰能脫落塵中意  
乘興東遊坐石槎

靈寶縣志

卷九下

藝文下

三

新舊日編所承日

女郎山

許論

嵯峨高聳女郎山  
峭壁危峯不可攀  
晴日晚霞林影翠  
只宜寫在畫圖間

峴山

前人

嵐光滴翠滿吟鞭  
况是西南雨霽天  
笑指綠苔千萬點  
此時要分買山錢

講書堂

前人

碧玉巖前是故鄉  
路旁遙指講書堂  
今來帶劍騎征馬  
羞向關中道  
姓楊

仙人石

前人

坐對南山景物妍遙看舉目翠峯顛旁巖白石如人立疑是當年採藥仙

轆轤關

前人

山路崎嶇類井陘車難方軌馬難行一夫拒守能堅壁羣寇何由得進兵

斷密澗

前人

李密英雄笑霸王刑公山下疊尸亡古來自有真良將難得忠臣似伯當

楊駿塚

前人

楊氏功名載晉唐男為卿相女椒房一門貴顯今何在高塚巍

靈寶縣志

卷九下

藝文下

四

新德印刷所承印

巍表故鄉

函谷關

賀賁

函谷關前一徑通行人多少自西東當年秦法嚴如火夜半狐裘入禁宮

育賢泉

九歲童子 王子謙

一脈源從天上來偶分三眼象三台清流不入濁流派獨遶巖

宮育大才

夜過函谷

張漢

山深雲暗徑尤低夜半人歸信馬蹄不是關門無戍守此行那會學鳴鶴

稠桑驛

王士禎

春蘭秋菊不同芳  
舊恨新愁爾許長  
應是三生緣未了  
又呼妙子到稠桑

老子故宅

前人

北邙東望塚纍纍  
上有元元古廟基  
莫以荒唐笑仙李  
漢家先奉濯龍祠

函關懷古

周慶增

廟堂未固守藩籬  
深鎖重關亦枉爲  
莫怪遊人競巧渡  
白裘先已出宮姬

漢廟翠柏

許春臺

靈寶縣志

卷九下

藝文下

五

新像印刷所承印

山光髣髴指砮礮  
古柏森森翠黛長  
借問漢家誰得似  
武侯他日有祠堂

項城暮雨

前人

鴻溝一割不堪論  
城下兵臨劇斷魂  
叱咤風雲都變色  
至今暮雨暗山村

宏農晚釣

河流淼渺日光殘  
半世生涯托釣竿  
但使客星臨帝座  
桐江休說子陵灘

靈寶縣

初元方

北枕黃河貯寶符  
函關東畔鎖東都  
星占一度分原野  
廿八炊

烟起壯圖

老子故宅

前人

週遭青岫列烟鬟聞說元元此閉關至竟仙蹤誰覓得空留遺跡在人間

關龍逢墓

前人

死諫開先第一人千秋從此解批鱗空言盛世能旌善坏土何曾表直臣

桃林牧豎

前人

當年械櫟咏薪標錦浪無邊野放牛牧豎至今閑弄笛修文端不讓成周

靈寶縣志

卷九下

藝文下

六

新舊印版所承印

秦嶺雪樵

前人

紫邏樵徑白雲封腰斧衝寒踏亂峯盡斫枯枝同振落亭亭負雪祇青松

項城暮雨

前人

荒村名以憤王標星厄寒流鎖寂寥不盡重瞳垓下沮至今灑作雨瀟瀟

漢廟古柏

前人

擎雲古柏擁孤根濃翠猶凝漢代痕父老叮嚀休剪伐炎劉功德至今存

函谷鷄鳴

前人

函谷行旅日紛紛  
臨臍荒鷄破曉雲  
忽憶効忠非幸舍  
一鈞殘月弔田文

宏農晚釣

前人

曲澗灤迴綠一篙  
晚霞千點射洪濤  
東流三曲原通海  
好理垂虹釣巨鼇

考阮圖

李鏡江

南楚菁莪鍾毓深  
屏藩中土始桃林  
龍門莫任常關鎖  
辜負當年造士心

老子故宅

張象明

東來紫氣半談空  
得寶祇堪哄牧童  
畢竟虛無成底事  
瓦礫一

靈寶縣志

卷九下

藝文下

七

新華印刷所印

片太初宮

龍逢古墓

前人

放桀南巢革命成  
千秋勳業數阿衡  
無端杆受獨夫害  
忘却身為異姓卿

項城暮雨

前人

百丈高崖掛碧流  
重瞳畢竟是沐猴  
河山天險偏東去  
反向滎陽畫鴻溝

漢廟古柏

前人

翠柏青青蔭虢州  
不經伐翦幾千秋  
應從約法三章後  
視作甘棠一例留

函關鷄鳴

前人

交通日闢險山平鐵路飛機自在行  
汽笛一聲如電去函關誰耐候鷄鳴

桃林牧豎

前人

短笛無腔結隊行歸來牛背和聲聲  
可憐兵燹頻遭後惟見村村用驅耕

秦嶺雪樵

前人

秦山霜後葉飄紅破笠芒鞋踏亂峯  
片片梅花籠古担紛紛柳絮舞寒風

黃流晚釣

前人

靈寶縣志

卷九下

藝文下

八

新錄印刷所承印

中原處處起觸蠻底事垂綸坐碧灣  
應怕丸泥封隘口羊裘終歲守函關

七言律七十七章

寄楊虢州與之舊姻

劉禹錫

避地江湖知幾春今來本郡擁朱輪  
阮郎無復里中舊楊僕却爲關外人  
各繫一官難命駕每懷前好易沾巾  
玉城山內多靈藥擺落功名且養神

述舊賀遷寄陝虢孫常侍南宮左輔兩處交代 前人

南宮幸襲芝蘭後左輔曾交印綬來  
多病未離清洛苑新恩已歷望仙臺  
關頭古寨桃林靜城下長河竹箭回  
聞說隨車有零

雨此時偏動子荆才

題虢州三堂贈吳郎中

賈 島

無窮草樹昔誰栽  
新起臨湖白石臺  
半岸泥沙孤鶴立  
三堂風雨四門開  
荷翻團露驚秋近  
柳轉斜陽過水來  
昨夜北樓堪朗詠  
虢城初鎖月徘徊

函谷關

胡 宿

天開函谷壯關中  
萬古驚塵向北空  
望氣竟能知老子  
乘繻何不識終童  
謾持白馬先生論  
未抵鷄鳴下客功  
符命已歸如掌地  
一丸曾誤隗生東

靈寶縣西側津

吳 融

靈寶縣志

卷九下

藝文下

九

新像印刷所承印

碧溪瀲灩流殘陽  
晴沙兩兩眠鴛鴦  
柳花無賴若多暇  
蛺蝶有情常自忙  
千里宦遊成底事  
每年風景是他鄉  
高歌一曲垂鞭去  
盡日無人識楚狂

虢州澗東村居作

韋 莊

東南騎馬出郊坰  
回首寒烟隔郡城  
清澗漲時翹鷺喜  
綠桑疎處哺牛鳴  
兒童見少生于客  
奴僕驕多倨似兄  
試望家田還自適  
滿畦秋水稻苗平

尹喜宅

前 人

荒原秋殿柏蕭蕭  
何代風烟占寂寥  
紫氣已隨仙仗去  
白雲空向帝鄉消  
濛濛暮雨春鷄唱  
漠漠寒蕪雪兔跳  
欲問靈蹤無處

所十洲空闊闔山遙

三堂東湖作

前人

滿塘秋水碧泓澄十畝菱花晚鏡清景動新橋橫  
蛩蝻岸鋪芳草睡鷓鴣蟾投夜魄當湖落嶽倒秋蓮入浪生何處最添詩客興  
興黃昏煙雨亂蛙聲

三堂早春

前人

獨倚危樓四望遙杏花春陌馬聲驕池邊冰刃暖初落山上雪  
稜寒未銷溪送綠波穿郡宅日移紅影度村橋主人年少多情味笑換金龜解珥貂

魏州獻楊抑一作大卿二首

姚鵠

靈寶縣志

卷九下

藝文下

十

新豫印刷所承印

蓋世英華更有誰賦成傳寫遍坤維名科累重求賢日苦節高  
標守郡時樓上叫雲秋鼓角林間宿鶴夜旌旂徵歸詔下應非  
久德望人情在鳳池

碧山曾共惜分陰暗學相如賦上林到此敢逾千里恨歸家且  
遂十年心疏愚祇怯膺門險淺簿爭窺孔室深一雇儻憐持苦  
節更令何處問升沈

函谷關

宋汪元量

西風吹我度函關古壑泉聲靜自閑老子騎牛沙上去仙人化  
鶴苑中還斷崖水脫懸殘日絕域雲橫失好山舊說度關朱履  
客一聲鷄唱翠微間



函關

金辛愿

雙峯高聳太河旁自古函關一戰場紫氣久無傳道叟黃塵那  
有棄繻郎烟迷輕草秋還綠露浥寒花晚更香共說河山雄百  
二不堪屈指算興亡

東崖

許進

天肇靈山自幾年龍翔虎伏巧相聯脈蟠震地含清淑秀對巒  
宮啓俊賢鬱氣溟濛春雨密回岡峯嶽晚霞鮮投閑又得東崖  
勝相望終朝似有緣

黃河

前人

萬里黃河未有涯鼎湖東畔鏡光開春風解凍餘寒盡濁浪搏

靈寶縣志

卷九下

藝文下

十一

新豫印刷所承印

花拍岸來畫舫依依歸遠浦轟雷隱隱到空齋臨流莫羨乘槎  
者神灑飄然極九垓

禹王廟

前人

慨昔唐初昏墊中民居無地豢蛇龍當時原自行無事後世于  
今仰聖功寰宇有形水土奠乾坤不盡廟祀崇閑來弔古龜原  
上樹掩窮碑野草豐

老子故宅

前人

桃林北去太河濱故宅依依晝掩塵令尹誰能知異兆至言緣  
欲授斯人青牛關上征驂度紫氣天邊暮靄勻仙轍千年無覓  
處遺編祇好伴閑身

宏農澗

前人

澗號宏農世累遷水聲汨汨自當年涼霄月午書窗靜清晝門  
扃篆縷旋亂入松風咆虎豹細兼竹雨響笙絃閑愁都付潺湲  
去清澈靈臺興欲翮

泮池

前人

活水源頭何處是伊川東去此西來元精已會天成器盛世豈  
無間出才萬里雲霄鯤變化九天風雨浪奔頽澄瀾未許塵眸  
看欲覓濂溪藕節栽

老子故宅九日感事二首

許論

宋玉愁多不耐秋興來扶病強登樓襟披函谷三秦勝目豁黃

靈寶縣志

卷九下

藝文下

十二

新像印刷所承印

河萬里流動業難憑駒過隙文章無用雪蒙頭西風好認參軍  
帽我是平生馬少游

九日河干載酒行主人意重客心傾蒼波望極孤帆杳白鳥飛  
來雙眼明物外季直難適俗飲中元亮不耽名茱萸插處偏多  
感怪底都稱太瘦生

七夕登猶龍閣

荆時薦

獨上高樓望沈寥江寒月冷罷吹蕭天連伊闕山還斷雲隔巴  
林鶴自遙夜靜流螢分羽扇水沈連露轉星杓湘潭只共銀河  
遠便借仙人烏鵲橋

望氣臺

陳棐

至人原自識仙風瑞靄丹霞遠鬱葱靈跡纔辭周柱下祥氛已  
入古關中不從紫氣臺端候何得青華觀裏逢欲訪乘牛求寶  
籙願隨鶴駕遍瑤空

女郎山

彭範

萬丈丹崖上女郎仰尋石徑路茫茫平瞻華嶽三峯近俯視洪  
流一線長虎嘯陰風昏白晝馬嘶落日暗紅光壯遊始踐十年  
約欲向山靈問雨暘

老子故宅二首

明給事謝江

地開層閣倚空寥秋日登臨爽氣饒危棟影移蓮岳近懸珠光  
射海雲搖鳳螭輦過雙童引羽節霞翻列聖朝凭覽誤疑人世

靈寶縣志

卷九下

藝文下

十三

新豫印刷所承印

外興來欲訪赤城標

太白星傍飛紫閣洛陽羈客屢登遊平觀青嶂窗前擁倒聽黃  
河檻外流細管疑從天半落五雲偏向藥宮浮還丹妙訣人難  
遇悵望函關有跨牛

登老君原觀後閣

呂天益

飛閣凌空四望開登臨永日獨徘徊峯高下見黃河盡天闊遙  
看紫氣來遠樹蒼茫生極浦寒雲蕭瑟鎖荒臺關門令尹知何  
處愁聽孤城畫角哀

靈寶咏古

河南僉事劉咸

女郎屹立佛頭青蘆澗桃林四望平河北有書傳虎渡關中無

客聽鷄鳴講書堂對欒巴墓望氣臺臨項羽城最惜龍逢遊地  
下至今青史播休聲

和劉僉事靈寶咏古原韻

河南僉事曹璉

停驂遠眺峴山青萬頃桃林一掌平望氣有臺惟兔跡講書無  
院祇蛙鳴萋萋碧草龍逢塚漠漠寒烟虢仲城最是女郎仙隱  
處蕭蕭古木送蟬聲

泮池

梁儒

泮池池泮草菲菲內湧珠泉遶泮闌三眼中分朝聖闕一流西  
轉抱河磯紛紛亂迸珊瑚樹泛泛齊噴瓊玉璣尺水興波雷雨  
震潛龍應起傍天飛

靈寶縣志

卷九下

藝文下

十四

新豫印刷所承印

朱陽故城

前人

郎山聳翠靄雲巔古柏森森漢廟前華蓋風搖篩碎日濃陰澗  
覆冷流泉龍筋旋遶經霜茂鶴骨翩翩帶露鮮怪道長春渾不  
老蒼蒼鱗甲度年年

李門三烈

前人

柔腸割斷植綱常羞見狂氛暗自傷沒後猶思掩玉體生前忍  
教沾衣裳貞心慘淡三更淚烈節悽其六月霜共燦一門留史  
册九泉枯骨至今香

邑侯蠲荒政成感賦

陳主策

邑界西南灌莽多新來召父意如何鄧林靄沛桃林雨湘水恩

流洛水波數紙風雲經部豁萬家烟火復巖阿慚余匏繫江干上也附征鴻矢好歌

虢州古城

外顯極

離離禾黍故城秋敗堞殘祠枕碧流岳武金戈沈北虢岐王賓客散西樓開方舊驛曾埋草湖上新亭半作洲惟有秦山明月在紅亭綠水共誰遊

問淇亭

前人

卜築淇亭秋暮時萬竿綠竹最相宜鳴琴嬾嬾窗前月直節青靑階下枝勝地欲留千載賞賓筵還讀數章詩髦年淇水人如在退食從容一問之

靈寶縣志

卷九下

藝文下

十五

新豫印刷所承印

和前作

楊州杰

琴堂退食晚涼時徧植新篁與地宜晶舍團團留月影雕欄曲曲映花枝山公林內曾攜酒衛武筵中只頌詩淇水清風高百代吟成素壁欲揮之

過仙令尹喜宅懷古

前人

莓苔滿徑燕還飛得叩仙關是息機丹洞東山留石磬白雲北閣護松扉騎牛人去遺經在題壁詩殘故老稀自採溪毛作茶供道人穩臥舊荷衣

雙虹橋

霍濬遠

函谷關前起朔風宏農古澗水淙淙河冰拍岸舟難渡雪浪崩

沙馬未通野店砧聲摧九月板橋人影亂雙虹成梁有令占龍  
角莫使巖寒客路窮

女郎山

前人

層巒步蹠叩仙名仄路人從天半行黯淡翠微開曙色迷離紫  
霧鎖春晴小橋智井松枝古別刹荒蘿野寺明最是靈泉一勺  
水年年吹雨潤蒼生

虢州古城

前人

風度函關掃碧秋寒泉日夜爲誰流三堂遺跡留衰草二虢殘  
碑勒戍樓林外烟雲迷古道村中燈火徧芳洲那堪月落孤城  
冷野寺疎鐘怯夢遊

靈寶縣志

卷九下

藝文下

十六

新豫印刷所承印

朱陽故城

前人

長河沙徑馬蹄輕古戍陰陰野鳥鳴赤縣久墟餘舊壘遺民還  
聚住荒城雲邊路遠秦山色樹內河流洛水聲行過紫關頻問  
俗新詩片石漫題名

漢柏

前人

鴻溝一割自西東龍準豐儀百代雄豐沛酒旗傳故里未央花  
影認遺宮雲凝鴟吻疑真氣聲入虬枝憶大風赤帝從來多豁  
達應知泉下慰重瞳

函谷關

前人

巍關屹立太河通把酒凭欄四望空紫氣無蹤虛夜月金鷄有

信度秋風雖云形勝三秦險何似衣冠萬國雄不用泥丸封谷口鶴鳴山應韻和同

和前作

楊州杰

天開樓臺四面通重關勝概倚長空潺湲澗咽秦時雨峭塹城餘漢代風山勢北臨三晉險地形東控二陵雄客來不用鷄鳴度今日車書萬國同

李門三烈

孫瑤芝

昧旦相期弋雁鳧驚聞中夜起鳴狐貞心誓守羅襦結玉骨甘同智井枯含笑泉臺從姊姒傷心繡褓失嬰雛經過荒草埋香處楓葉蕭蕭啼鷓鴣

靈寶縣志

卷九下

藝文下

十七

新豫印刻所承印

女郎山

前人

千仞峯頭振佩聲青山從此托芳名深湫時護蛟龍氣空翠遙連華嶽晴古梵毘維依絕壑漢祠蒼柏挺餘榮捫碑欲問盆中石風雨翛然出殿楹

老子故宅

前人

聞道流沙馭不還猶龍舊窟尙依然五千寶字琅函裏百二雄關傑閣前隔岸飛鳧分晉水遙空舞鶴破秦川官遊亦許探靈跡惟有傳經愧昔賢

龍逢塚

夏社難尋舊古邱直臣塚土自千秋黃圖已向君前毀白骨誰

從地下遊野徑莓苔封古碣破楹風雨近危樓拜瞻遺塚懷忠  
讜彷彿鬚眉正氣浮

學宮

惠博

巍巍聖廟對城闈斗映豐飛次第新砌柏綠苔紋已古停碑丹  
篆字猶真諸生瞻拜威儀肅萬禩欽崇俎豆裡目是文功能不  
朽會看桃李奪先春

宏農閑眺

楊浩

百里清流足溯洄宏農北下鏡光開仰垂紅葉山頭樹倒挂碧  
標天際臺斜日洪波看畫錦高潭急響聽秋雷居人更愛分餘  
潤西陌南阡次第來

靈寶縣志

卷九下

藝文下

十八

新豫印刷所承印

函關紫氣

前人

雄關便是芙蓉城柱史東來瑞色明道氣發揮成紫氣衆生尊  
禮可長生尼山也並師襄席函谷尤深尹喜情仙籙千年黃卷  
在丹鉛誰復剖菁英

桃林牧豎

王道暉

千古桃林自不磨于今仍聽牧童過出灣朝霽揚鞭穩歸路斜  
陽弄笛多兩兩合成羣友隊聲聲齊唱太平歌維魚入夢占年  
久紅雨春深掛綠蓑

漢廟古柏

前人

赤帝祠邊古柏深參天黛色自蕭森喬柯直繪英雄慨勁節那



愁風雨侵廟貌至今多變易蒼虬從古不淪沈世傳樹稍皆東  
向疑是無忘鄉國心

秦嶺雪樵

前人

俯視西秦峯峯間層巒積素似銀山未須粵嶠尋梅去自有樵  
夫踏雪還霽後雲橫凝紫氣月中寒擁渡藍關高人此際添吟  
興一曲陽春和亦艱

黃流晚釣

前人

洪河浩瀚自天來澎湃奔騰震九垓萬里龍門誰鼓浪一竿魚  
餌泊山隈晚風水蹙鱗紋起夕照波搖錦鯉回聖世至今虛左  
席富春無復釣魚臺

靈寶縣志

卷九下

藝文下

十九

新豫印刷所承印

老子故宅

前人

瓊宮梵宇遍天涯紫氣東來是故家河上傳經知過此尼山問  
禮應停車森森翠柏連雲起漠漠蒼苔映日斜千載靈符衍道  
脈於今遺宅鎖烟霞

龍逢古塚

前人

丹心碧血垂青史浩氣忠魂貫日光不計千年存墓塚祇期一  
死晤君王枯楊落葉埋秋水斷碣寒鴉噪夕陽獨向西風來展  
拜生芻未奠已神傷

函關鷄鳴

前人

虎踞龍盤勢曲環宏農澗水自潺湲泥丸曾誤東封主僞曉爭

誇夜渡關老子書傳開道妙終童繡棄破天慳聖朝無事疎譏  
察一任征人自往還

項城暮雨

前人

層巘高懸雲水邊項王遺跡未全湮千秋醉影搖紅樹萬壑寒  
光罩紫烟瀑布飛來風淅瀝石泉激處雨連綿可憐漢楚爭雄  
地暮景淒其倍黯然

桃林牧豎

許鵬扶

太華東墜河水涯碧桃爛熳柳參差山村笑語誰驅犢綠野徇  
徉任牧兒橫笛一聲空谷曉臥簑幾處夕陽遲太平圖像難描  
寫徒憶放牛歸馬時

靈寶縣志

卷九下

藝文下

二十

新像印刷所承印

漢廟古柏

前人

赤帝勳猷在鼎鐘至今廟柏老虬龍颯颯風拂孤標迴靉靄雲  
環黛色濃雙幹何如司馬檜五株堪笑大夫松杜公題咏顏公  
字欲勒貞珉記碧峯

秦嶺雪樵

終南草樹入桃林樵子攀援雪後尋玉宇寒輕籠白日銀沙凍  
解見青岑爛柯爭覓仙人度負楚誰知太守心俯仰空山饒樂  
事朔風吹處一微吟

黃流晚釣

前人

銀潢天上瀉洪流誰向閑宵理釣鈎半岸清風浮水面一輪新

月掛竿頭詎將密網供游泳聊任潛鱗自去留欸乃歌聲何處  
是疑從五老泛舟遊

老子故宅

古洞幽深依北郭危樓岌業上東原恍疑蓬島懸金榜還意剡  
溪啓石門剛卯符誰傳異術飛龜秩務溯眞源三元全括五千  
字八藏何須億萬言

龍逢古塚

前人

肝胆空披死諫君黃河曲裏有孤坟未綿夏祚終餘恨但殞微  
軀豈足云弔古三杯田橫酒誅芳一部屈原文慎無說壞天王  
聖知是忠魂不忍聞

靈寶縣志

卷九下

藝文下

二十一

新豫印刷所承印

函關鷄鳴

前人

河山百二控西秦谷口空傳古要津自聽鷄聲呼曉漏誰夸虎  
穴脫強隣朝昏不戒川原勝車馬長清道路塵郤羨侯繻無復  
用關門閑殺掌晨人

項城暮雨

前人

石原霖霖下天晴父老爲余指項城隆準入關先逐鹿重瞳扼  
險此連兵雲屯高占青山色鳥陣長依白練明殺氣千年猶未  
解巉岩飛瀑雨縱橫

老子故宅

許春臺

大化猶龍不計年青牛一度偶停鞭桃林紅撲簾初下門水綠

搖窟正圓經著關中存道德人遊河上遇神仙行窩到處知何  
在西入流沙望杳然

龍逢古墓

前人

生前大節已空羣披得黃圖苦諫君九鼎鑄金延夏祚一抔敷  
土表秋墳南巢有恨餘荒草西邑無緣指落曛他日相將遊地  
下誰留折檻記朱雲

桃林牧豎

前人

聞到桃林久放牛而今牧事尙堪求紅蒸遠近飛霞爛綠染笠  
簑逼水流幾曲田歌雜暮笛一鞭花影繞平疇武陵漁子如相  
遇錯認仙源欲汎舟

靈寶縣志

卷九下

藝文下

二十二

新像印刷所承印

秦嶺雪樵

前人

釣罷寒江雪未消旋疑谷口又逢樵數家村隔深深徑六出花  
迷短短橋晚擔挑殘雲冷淡空山踏碎路瓊瑤林間霽色明如  
此獨下重巖未許招

項城暮雨

前人

暮色溟濛作雨看懸崖玉虹頓生瀾青雲簇擁斜陽下素練橫  
拖峻嶺蟠鬪力漫矜山可拔銷聲爭耐水猶寒千秋一泄重瞳  
恨長此瀟瀟夜未闌

漢廟古柏

前人

閒攜竹杖陟層巒漢帝祠前聳大觀故國漫留楓蔚蔚空山不

剪柏丸丸柯條東向長安遠車駕西歸沛邑殘羞與秦松爭歲  
月龍葱黛色滿巖端

函關鷄鳴

前人

險絕秦家百二關行人誰唱大刀環地連鷄首天垂象客學鷄  
鳴士赧顏一帶河流聲水林森三更月落影閒閒於今鎖鑰巖疆  
重無復田文策馬還

黃流晚釣

前人

夕陽西下水東流有客垂綸最上頭孤艇不妨衝浪去一竿端  
爲釣鼈留漁村隔岸橫斜日歌板當門唱晚秋數點蘆花魚尺  
半歸來新月又如鉤

靈寶縣志

卷九下

藝文下

二十三

新豫印刷所承印

和邑侯葉少蓮景靈臺原韻二首

張象明

小閣凌空靜不囂河山百二望迢迢雲撐太華石千丈樹挂黃  
流練一條詩酒文章追北海樓臺烟雨擬南朝知君最好關心  
處月照珠江夜夜潮少蓮廣西人

推敲恰就夕陽斜妙句天成妬落霞喜遇閣公承雅望敢呼李  
相作通家關前紫氣迎朝日樹裏黃流送夜瑟宦海十年無俗  
慮前身君定是梅花

五言古風二十五章

七言古風七章

渡黃河

齊范雲

河邊汎且濁湯湯不可陵檜楫難爲榜松舟纔自勝空亭偃舊

木荒疇餘故塍不覩行人跡但見狐兔興寄言河上老此水何當澄

題御題寺

唐德宗

高僧居淨域客子戀皇宮試訪昆耶室旋遊方丈中禪林吹梵響忍草散香風妙說三元義能談不二宗色空雙已滅內外兩緣同識盡無生理乃覓出凡籠

至老子廟應詔

周庾信

虛無推馭辯廖廓木乘蜺三門臨苦縣九井對靈溪成丹須竹節量藥用刀圭石似臨邛芋芝如封禪泥氈毛新鶴小盤根古樹低野戍孤煙起春山百鳥啼路有三千別途經七聖迷唯當

靈寶縣志

卷九下

藝文下

二十四

新豫印刷所承印

別關吏直向流沙西

和酬虢州李司法

楊炯

唇齒標形勝關河壯邑居寒山抵方伯秋水面鴻臚君子從遊宦忘情任卷舒風霜下刀筆軒蓋擁門閭平野芸苔遍長洲鴻鴈初菊花宜泛酒蒲葉好栽書昔我芝蘭契悠然雲雨疎非君重千里誰肯惠雙魚

宏農清巖曲有磐石可坐宋十一之間每拂拭待余寄詩贈之

田遊巖

信彼稱靈石居然狎遁棲裴回承翠巘駁帶深谿夕陽起層岫清景半虹霓風來應嘯阮波動可琴檣僕也潁陽客望彼空

思齊倘見山人至簪蒿且杖藜

至桃林塞作

崔湜

去國未千里離家已再旬丹心恆戀闕白首更思親懷璧常貽  
訓捐金詎得隣抱冤非忤物羅謗豈由人不濫辭終辯無瑕理  
竟仲黻還中省舊符與外臺新塞上同遷客江潭異逐臣淚垂  
非屬峴陽斷固由秦歲月行道盡山川難重陳始知亭伯去還  
是拙謀身

經函谷關

韋應物

洪河絕山根單軌出其側萬古爲要樞往來何時息秦皇旣恃  
險海內被吞食及嗣同覆顛咽喉莫能塞炎靈詎西駕婁子非

靈寶縣志

卷九下

藝文下

二十五

新豫印刷所承印

經國徒欲扼諸侯不知恢至德聖朝及天寶豺虎起東北下沈  
戰死魂上結窮冤色古今雖共守成敗良可識藩屏無俊賢金  
湯獨何力馳車一登眺感慨中自惻

初至西虢官舍南池呈左右省及南宮諸故人 岑 參

黜官自西掖待罪臨下陽空積犬馬戀豈思鵝鷺行素多江湖  
意偶佐山水鄉滿院池月靜捲簾溪雨涼軒窗竹翠濕案牘荷  
花香白鳥上衣桁青苔生筆牀數公不可見一別盡相忘敢恨  
青瑣客無情華省郎早年迷進退晚節悟行藏他日能相訪嵩  
南舊草堂

虢中酬陝西甄判官見贈

岑 參

微才棄散地拙官慚清時白髮徒自負青雲難可期胡塵暗東  
洛亞相方出師分陝振鼓鼙二嶠滿旌旗夫子廊廟器迥然青  
冥姿闕外佐戎律幕中吐兵奇前者驛使來忽枉行軍詩晝吟  
庭花落夜諷山月移昔君隱蘇門浪跡不可羈詔書自徵用令  
譽天下知別來春草長東望轉相思寂寞山城暮空聞畫角悲

虢州郡齋南池幽興因與閣二侍御道別 前人

池色淨天碧水涼雨淒淒快風從東南荷葉翻向西性本愛魚  
鳥未能返巖谿中歲徇微宦遂令心賞睽及此佐山郡不異尋  
幽棲小吏趨竹徑訟庭侵藥畦胡塵暗河洛二陝震鼓鼙故人  
佐戎軒逸翮凌雲霓行軍在函谷兩度聞鶯啼相看紅旗下飲

靈寶縣志

卷九下

藝文下

二十六

新豫印刷所承印

酒白日低聞君欲朝天駟馬臨道嘶仰望浮與沈忽如雲與泥  
夜眠驛樓月曉發關城鷄悵惆西郊暮鄉書對君題

虢州送鄭興宗弟歸扶風別廬

前人

佐郡已三載豈能長後時出關少親友賴汝長相隨今日怎言  
別愴然俱淚垂平生滄洲意獨有青山知州縣不敢說雲霄誰  
敢期因懷東谿老最憶南峯緇爲我多種藥還山應未遲

佐郡思舊遊并序

已亥歲春三月參自補闕轉起居舍人夏四月署虢州長  
史適見秋草涼風復來昔桓潭出爲六安丞常忽忽不樂  
今知之矣悲州縣瑣屑思掖垣清閑呈左右省舊遊



幸得趨紫殿却憶侍丹墀史筆衆推直諫書人莫窺平生但自負垂老此安卑同類皆先達非才獨後時庭槐宿鳥亂階草夜蟲悲白髮今無數青雲未有期

虢州西亭觀眺

前人

亭高出鳥外客到與雲齊樹點千家小天圍萬嶺低殘虹挂陝北急雨過關西酒榼綠青壁瓜田傍緣谿微官何足道愛客且相攜惟有鄉園處依依望不迷

鷄鳴臺

李行言

秦郊平舊險周德眷遺黎始聞清夜柝俄見落封泥物色來無限津途去不迷空亭誰問馬關戍但鳴鷄山月寒彌淨河風曉

靈寶縣志

卷九下

藝文下

二十七

新像印刷所承印

更淒贈言楊伯起非復是關西

潼關吏

杜甫

安祿山兵破東京哥舒翰請堅守潼關明皇聽楊國忠言力趣出兵翰撫膺慟哭而出兵至靈寶潰關遂失守

士卒何草草築城潼關道大城鐵不如小城萬丈餘借問潼關吏修關還備胡要我下馬行爲我指山隅連雲列戰格飛鳥不能踰胡來但自守豈復憂西都丈人視要處窄狹容單車艱難舊長戟萬戶用一夫哀哉桃林戰百萬化爲魚請囑防關將慎無學哥舒

寄彭州高三十五使君適虢州岑二十七長史參三十韻杜甫

故人何寂寞今我獨淒涼老去才難盡秋來興甚長物情尤可見辭客未能忘海內知名士雲端各異方高岑殊緩步沈鮑得同行意愜關飛動篇終接混茫舉天悲富駱近代惜盧王似爾官仍貴前賢命可傷諸侯非棄擲半刺已翱翔詩好幾時見書成無信將男兒行處是客子鬥身強羈旅推賢聖沈綿抵咎殃三年猶瘧疾一鬼不銷亡隔日搜脂髓增寒抱雪霜徒然潛隙地有覩屢鮮妝何太龍鍾極於今出處妨無錢居帝里盡室在邊疆劉表雖遺恨龐公至死藏心微傍魚鳥肉瘦怯豺狼隴草蕭蕭白洮雲片片黃彭門劍閣外虢略鼎湖旁荆玉簪頭冷巴箋染翰光烏麻蒸續曬丹橘露應嘗豈異神仙宅俱兼山水鄉

靈寶縣志

卷九下

藝文下

二十八

新豫印刷所承印

竹齋燒藥竈花嶼讀書牀更得清新否遙知對屬忙舊官甯改漢醇俗本歸唐濟世宜公等安貧亦士常蚩尤終戮辱胡羯漫猖狂會待妖氛靜論文暫裹糧

寄贈虢州張參軍

韓翃

三十事諸侯賢豪冠北州桃花迎駿馬蘇合染輕裘觀妓將軍第題詩關尹樓青林朝送客綠嶼晚回舟好栗分通子名香贈莫愁洗杯新酒熟把燭故人留百雉歸雲過千峯宿雨收蒹葭露下晚菡萏水中秋憶昨陪行樂常時接獻酬佳期雖霧散惠問亦川流開卷醒堪解含毫思苦抽無因達情意西望日悠悠虢州逢侯釗同尋南觀音贈別

時居停務

盧綸

相見翻惆悵應憐責廢官過深慚祿在識淺賴刑寬獨失耕農  
業同思弟姪歡衰貧羞客過卑束會君難放鶴登雲壁澆花遶  
石壇興還江海上跡在是非端林密風聲細山高雨色寒悠然  
此中別賓僕倚闌干

賀宏農公楊馮復職五十韻并序

柳宗元

宏農公楊馮以碩德重望爲御史李夷簡所彈屈於誣枉左  
官三歲復爲大僚天監昭明人心感悅宗元竄伏湘浦拜賀  
末由謹獻詩五十韻以畢微志

知命儒爲貴時中聖所藏處心齊寵辱遇物任行藏關識新安  
地封傳臨晉鄉挺生推豹蔚遐步仰龍驤幹有千尋竦精聞百

靈寶縣志

卷九下

藝文下

二十九

新豫印刷所承印

鍊鋼茂功期舜禹高韻狀羲黃足逸詩書圃鋒搖翰墨場雅歌  
張仲德頌祝魯侯昌憲府初騰價神州轉耀銑右言盈簡策左  
轄備條網響切晨趨佩烟濃近侍香司儀六禮洽論將七兵揚  
合樂來儀鳳尊祠重餼羊卿材優柱石公器擅巖廊峻節臨衡  
嶠和風滿豫章人歸父母育郡得股肱良細故誰留念煩言肯  
過防璧非眞盜客金有誤持郎龜虎休前寄貂蟬冠舊行訓行  
方命呂理劇復推張直用明銷惡還將道勝剛敬逾齊國社恩  
比召南棠希怨猶逢怒多容竟忤彊火炎侵琬瑜鷹擊謬鸞凰  
刻木終難對焚芝未改芳遠遷逾桂嶺中徙滯餘杭顧土雖懷  
趙知天詎畏匡論嫌齊物誕騷愛遠遊傷麗澤周羣品重明照

萬方斗間收紫氣台上挂清光福爲深仁集妖從盛德禳秦民  
啼賦畝周士舞康莊采綬還垂艾華簪更截防高居遷鼎邑遙  
傳好書王碧樹環金谷丹霞映上陽留歡唱容與要醉對清涼  
故友仍同里常僚每合堂淵龍過許劭冰鯉弔王祥玉漏天門  
靜銅駝御路荒澗瀝秋瀲灩嵩少暮微茫遵渚徒云樂冲天自  
不違降神終入輔種德會明敷獨棄儉人國難窺夫子牆通家  
殊孔李舊好卽藩楊世議排張摯時情棄仲翔不言縲紲枉徒  
恨纏徽長賈賦愁單闕鄒書怯大梁炯心那自是昭世懶佯狂  
鳴玉機全息懷沙事不忘戀恩何敢死垂淚對青湘

西上經靈寶過尹真人舊宅

孟郊

靈寶縣志

卷九下

藝文下

二十

希珍印刷所承印

道上無白髮語音靈泉清青松多壽色白石恆夜明放步霽霞  
起振衣華風生眞文秘中頂寶氣浮四楹一片古關路萬里今  
人行上仙不可見驅策徒西征

春日言懷寄虢州李常侍十韻

杜牧

岸蘚生紅藥巖泉漲碧塘地分蓮嶽秀草接鼎原芳雨派濛濛  
急風畦芒若香織蓬眠舴艋驚夢起鴛鴦論吐開冰室詩陳曝  
錦張貂簪荆玉潤丹穴鳳毛光今日還株守何年執戟郎且嫌  
遊晝短莫問積薪長無計披清裁唯持祝壽觴願公如衛武百  
歲尙康強

夏日過雲林寺

許茂枋

碧天無雲色永日增炎煥杖策拂塵襟偶適南山麓映壑蔭蒼  
松緣墻出新竹深林聞清梵隱隱見芽屋初疑無路入攀蘿隨  
樵牧逶迤盤磴道谷轉通前隩庭宇散香煙澹然如新沐僧持  
貝葉經擁衲高聲讀自憐塵俗緣日月幾馳逐感此娛悅心永  
欲絕煩蹙

喜雨

太常少卿劉穆

桃林戊子春久旱氣炎熇大風揚塵沙空陣兼暈日我來祀瀆  
宗奉命極清肅竣事欲啓行興雲彌川谷頃刻雨霽霽豈惟日  
霖霖焦土成沃田萬井俱霑足三農交稱慶早見艾稔穉我亦  
笑言開不惜留信宿河清徵太平豐年茲可卜

靈寶縣志

卷九下

藝文下

二十一

新編印刷所代印

亦是樓咏

張象明

結廬值勝境四望盡開顏西接漢王臺東壓函谷關北近龍逢  
墓南看女郎山峴峯何尖秀門水亦灣環高低過四丈廣狹祇  
一間舉目迎紫氣昂首問青天俯窺臨深壑平看坐樹顛牀頭  
鳴喜鵲窗外渡飛鳶結隣十餘戶立村二百年知音無三五氣  
象有萬千古柏當門立新柳繞池牽晴映曛曛日陰垂縷縷烟  
懶讀詩書靜貪睡夢魂閒萬緣都銷盡何處是神仙

在亦是樓蒙袁魯庵世兄送函谷夫子碑文有感

張象明

鎮日疊膝坐獨居亦是樓家貧無顯客地僻少名流忽聞魯庵  
至相見喜雙眸碑文三四份特意向我投幼虎筆何勁鐵畫並

銀鈎更羨趙石匠游刃具剛柔憶昔初從學忽忽四十秋光陰  
如箭過日月似東流立碑記品學勒石銘助猷人死德不死德  
留人若留我今五十七君亦五十週堂構君無愧衣鉢我增羞  
世途波濤險聊與共沈浮先德幸有託後嗣復何憂過此三十  
載相判若鴻溝君埋東原上我葬西山頭誰來此碑下數字認  
根由骨血草頭露身世一葉舟相逢且飲酒不須惹閒愁願君  
頻來此相與共壑邱

以下係七言古風

函谷關歌送劉評事使關西

岑參

君不見古函谷關崩城敗壁至今在樹根草蔓遮古道空谷千  
年常不改寂寞無人空舊山聖朝無事不須關白馬公孫何處  
去青牛老人竟不還蒼苔白骨空滿地月與古時長相似野花  
不肖見行人山鳥何曾識關吏故人方乘使者車吾知郭丹却  
不如請君時憶關外客行到關西多寄書

冬日長安感志寄獻虢州崔郎中二十韻 韋莊

帝里無城久滯淹別家三度見新蟾鄰說丹桂無人指阮籍青  
襟有淚霑溪上却思雲滿屋鏡中惟怕雪生髯病如原憲誰能  
療蹇是劉禎豈用占露雨十年同隱遁風雷何日振沈潛吁嗟  
每被更聲引歌咏還因酒思添客舍止甘愁寂寂郡樓遙想醉  
慳慳已聞鈴閣懸新詔卽向綸闈副具瞻濟物便同川上楫慰  
心還似邑中黔觀星始覺中郎貴問俗方知太守廉宅後綠波

棲畫鷁馬前紅袖簇丹檐閑招好客斟香蟻悶對瓊花咏散鹽  
積凍漫封寒雷細暮雲高拔晚峯尖訟堂無事冰生印水謝高  
吟月透簾松下圍棋期褚胤筆頭飛箭薦陶謙未知匣劍何時  
躍但恐鉛刀不再銛雖有遠心長擁篲恥將新劍學苦編纜驚  
素節移銅律又見元冥變玉籤百口似萍依廣岸一身如燕變  
高簷如今正困風波力更向人中問宋纖

瞻紫樓

劉咸

昔人已乘青牛去海闊天高幾昏曙空餘百尺望氣臺至今猶  
在經行處傳流當年函谷關常有紫氣來其間世人俗眼不能  
識往往輕視如等閑惟有關門令尹喜自言當得異人至築臺

靈寶縣志

卷九下

藝文下

三十三

新修印嶺山志

望望未多時果遇東周柱下史從容授以道德經五千奇文皆  
至精飄然拂衣不肯往移車又向川西行川西迢迢路修阻喜  
卽辭官遠趨赴青華觀內忽相逢一笑呼名宛如故此地傳道  
實所宜如何又向終南期遂令喜也雙倦足終歲碌碌無甯時  
青牛老人去不返寂歷荒臺猶在眼登高披基攷遺踪落日亭  
亭正春晚

鷄鳴臺

劉咸

七國雌雄未分日嬴秦自恃強無敵一朝相得孟嘗君委任傾  
心絕嫌隙如何忽信讒言欺立命下囚將殺之智士困窮計無  
出只應求解王幸姬幸姬所用惟巾櫛何事亦愛孤裘白先時

已入秦藏中于今欲求甯再得堂中養士三千人豈無一人能  
致身中有善爲狗盜者從容竊出如有神遂將此物爲姬獻始  
得一言緩厥譴放歸實出望外恩尤恐後難不得免急騎駿馬  
向東還兼程一夕至函關關法鷄鳴方出客寸心輾轉難爲安  
就中又有奇謀士解作鷄鳴宛相似野外鷄聞亦亂鳴關門乍  
起追兵至孟嘗脫身出虎狼還齊猶自心不忘殷勤欲計向時  
事築台特向關之傍人間俯仰成今昔豪華轉眼皆陳跡人去  
台空亦可憐歲歲東風土花碧

泮池

失名

宏農古治隸天中河洛淵源文字雄峨峨聖廟東南立千尋松

靈寶縣志

卷九下

藝文下

三十四

新豫印刷所承印

檜倚高風清風冉冉拂松檜拱珪環璧宮牆外城南半畝泮池  
開波光動宕鳴天籟不知此泉鑿何年取象三台名育賢前賢  
擬作洙泗水後令栽培君子蓮灼灼芙蓉香襲體養成三尺龍  
門鯉紅花白花爛中央小魚大魚遊池底已看芩藻映清波又  
見垂楊覆菱荷論文恍似鵝湖敞講席宏開絳帳多君不見甘  
泉宮外遊糜鹿此泉千載溫如玉風水相遭起漣漪文武聯翩  
標科目接踵英英騰捷足爲鳳爲麟從可卜

蠲荒復業作長歌記其事

卯顯極

漢陽才子氣如龍英英經濟有父風拜命桃林來作宰出治不  
與尋常同憶昔桃林民力竭三年逋賦完不得草長尺土無人



耕處處門牆題賣帖有子驅犢質征錢石壕夜半呼門前欲完  
國稅應無計拋棄城南二頃田攜家黑夜適他邑仍擗親戚徵  
賦入排空賠累是何糧糧完大戶重足立早破民間幾千家沃  
土自售無人賒還存殘喘守邱壟猶望西成滿篝車更苦清丈  
無兼併鞭笞怒罵輕人命原徵已賦又重徵士氣亦教從此病  
懸耒拋書相向愁難禁額外有誅求惟期得緩須臾死不惜他  
鄉委壑滿天生人才爲世出一片仁慈誰能識堂上徵收發慘  
容往往對客長太息太息父老多哀鳴云與荒糧同死生公聞  
此言痛民隱策馬戴星過洛城當事嘉公爲公原不惜諫草入  
金門憂時危論守土責事亟何能遽邀恩此際雄心應凋喪公

靈寶縣志

卷九下

藝文下

三十五

新豫印刷所承印

也慷慨神益王往復不憚乞封章封章更許補牘上仰天搔首  
望幾句忽爾雲邊下恩綸蠲租自是朝廷惠軫恤還賴使君仁  
歡呼市井齊置酒拊掌驚喜得未有事成方識司牧心四十年  
來成不朽我聞漢家吏治何多良公績端不讓龔黃尸祝之像  
戴德石甃水不及愛慕長昔也民不念邦族今日何緣歸舊屋  
已聞有詔除荒糧肯向他人屋下宿羣呼結伴復歸來未賣田  
宅今重開况有官家給牛種耕牛幾具闢蒿萊去家十載頭已  
白淒涼閱盡飢寒厄俄看春燕巢故梁又見嘉種生南陌美哉  
今之桃林成名彊十步五步皆康莊舊日骨肉會一堂相將共  
蔭召伯棠

長歌行

張象明

明末流冠肆猖狂百里宏農一戰場崇禎八年七月半張賊獻忠入朱陽冬月又將治城陷殺人放火等豺狼李賊自成無人道又加闖王高迎祥崇禎十四十七載城池再陷失金湯倉庫官衙齊焚燬老弱溝壑壯四方前清順治至咸豐幸無大故稍安康同治紀元髮捻起秩序大紊民悲傷五月粵匪來大股扶王端王啓遵王圍攻治城三晝夜破砦搜山蹂四鄉尸橫原野骨成塚函山澗水染血光更看八月二十一皖匪大股逼城隍有名賊首六七個姜孫王周並韓張焚殺掠擄十四日二十八里無康莊五年九月二十五皖匪張牛來東方大事焚掠大殺

靈寶縣志

卷九下

藝文下

三十六

新豫印刷所承印

擄緣途村鎮受痍瘡光緒紀元值乙亥雨澤愆期遭年荒元年二年麥禾少室如懸磬無餘糧三年麥苗未下種人人落淚呼穹蒼樹皮剝完菜根盡搗石作粉充饑腸人食人肉犬食犬道路堆積尸成行炊烟斷絕人踪少滿目空窳並閑房小村餘人三五口大村十口面通黃貧者百家無一在富者未死咽糟糠從此元氣大虧損六十年來痛未忘父老追談猶太息千秋浩劫非尋常繼到光緒二十六秋夏簿收少蓄藏窮民無糧多餓死又將三年餘味嘗宣統御極未三秋民軍突起滿族愁八月武昌立政府九月長安動戈矛靈寶義士亦攘臂及時乘勢立勳猷義軍活動如龍躍滿清官吏懷癩憂爾時毅軍尙存在統

轄還如領貔貅毅軍駐地靈城裏民軍占領西原頭炮火日夜相對轟宏農澗水作鴻溝東洛大俠聞風起招集澤雄賦同仇亦有志在掠奪者趁火打劫恣取求未幾清廷遜大位共和告成荷神庥毅軍欽甲佐新命民軍壺漿領報酬白叟黃童齊鼓掌靈城無損等金甌只愁健兒甲難解更煩紳耆運良籌編作省軍鎮嵩嶽回保梓桑無逗留全豫局勢雖粗定靈邑伏莽滿山邱擄及婦孺驚鷄犬金帛篋筐任翻搜統軍幸能肅軍令良民始得安田疇勞氓小憩六七載天災迭降疾難瘳靈邑又復沈苦海國事蝸蟻聽啾王戊三月事變生非禦外侮作內鬩中原偏作邊塞援那知兵樞重心更鐵駟銜枚出函谷不異鄧

靈寶縣志

卷九下

藝文下

三十七

新豫印刷所承印

艾渡陰平防軍撤防無門志巡隊無方如盲行守土官吏捲逃去靈邑爾時等空城風雨飄搖無定主日備簞食事將迎苛虐驟消出水火遺黎慨然望澄清無奈劫數方環起到處觸足皆棘荆寶豐賊首張廷獻嘯聚數萬向西征二十六日陝州陷軍官恰遇丁保成曾在靈寶作幫帶縣邑虛實無遁情引賊夜入桃林地拂曉鳴鎗陷邑城公私財物已掃淨房脊井底遍搜清男女慘殺數百口扯票累累若牽牲損失何止千餘萬馬駝車載有餘贏靈寶區區小縣耳財物何以稱豐盈此中實情更有故不惜筆禿爲縷呈本年五月官道口巨匪王鎮動鑿鉦殘忍古今無其比鋤刀鋤人油鍋烹川口朱陽虢略鎮戶戶逃賊向

北傾只防賊自南方至移家入城爲避兇誰知賊至城先破盡  
數擄去難與爭搶掠雖云千餘戶實屬閤縣損菁英劫得城關  
胆愈肆又向南路展旂旌大隊齊集虢略鎮鄰近村坊盡劄營  
行姦不分老與少扯票不論髦與嬰周圍民寨齊打破落井跳  
崖爲全貞虢鎮房屋半燒燬又謀入陝吸長鯨陝軍迎頭予痛  
擊竄回虢鎮害餘氓糜爛不下三十日血如江河尸如京子遺  
雖然未殺盡無奈家家抱空楹資本劫完商罷市牲畜失盡農  
難耕浩劫千秋無其比誰向宏農問餘丁大桿去後民漸回尙  
希燼後燃餘灰誰知小桿紛紛起南山東山集蛇虺朱陽首先  
遭糜爛將賊明玉作盜魁又有土匪黃青山聯合明玉當賊媒

靈寶縣志

卷九下

藝文下

三十八

新豫印刷所承印

盤龍一里繼遭禍程賊秀明越山來石坡反坡二原上賊鋒浩  
大若風雷衛賊鳳旂乘機動村莊山砦一齊摧永甯又來甯老  
七扯票燒屋劫民財更有伊侄甯田生胆大心毒盜賊材縣隊  
下礮鎗收繳閤邑如沸盡成災李君益三守虢鎮勇少賊多獨  
徘徊也能南殺並東戰兵鋒到處賊鋒開但只虢鎮一區長焉  
能處處闢蒿萊兵來賊去人暫喜兵去賊來人復哀全縣盡成  
榛莽境虢區若登仁壽臺雖然梟獍未誅罄總是紅亭柱石才  
歲入甲子更啓戎節帥振氣吞遼東中原健兒盡出塞洛都本  
營防頓空愍師出關擴勢力各縣民團受牢籠早知虢鎮能作  
戰編軍那復計工農靈邑從此武備燬東西南北盡賊叢榆關

師潰政局變愍師乘勢據西工國民二軍忽崛起生力軍至向南攻開鄭聯日迎刃下官僚政客各匆匆洛陽一戰愍師潰軍麾向陝氣如虹靈邑暫自維秩序歡迎新軍托帡幪從此桃林又有主遺民稽首祝蒼穹運晦偏生意外事國民二軍復失利伐魯伐齊均無功鄭衛亦成荆棘地已死軍灰又復燃檄使舊部助指臂一九竟將函谷封縱有雄兵鋒難試此際靈寶豪猾多中有一二存大志某某據住老君原某某占定伯王寺二軍某師駐陝州旅長官銜不吝賜鎗支各有一千餘升官發財兩得意更加某軍發展急良莠不擇廣招致任使兇殘掌戎機挨戶搶掠無遺類籍口餉項無着落擄掠姦淫無不至督師秉節

靈寶縣志

卷九下

藝文下

三十九

新豫印刷所承印

撫羣雄賊心如昨那知忌徒見嚴令張街衢一樣劫奪逞故智炮火相轟幾兼旬欲渡函關終不易岳督微服渡黃河甘心全軍盡遺棄戰略得力軍功成商民吞聲暗落淚至今追想當年情胆戰心驚難安睡戰事結束民見天縣令尙能選時賢儒吏下車撫遺子招集流亡復宅田西征仰攻類合從長安城如金石堅合圍八月誰與解國民一軍下秦川某軍返旆若無主靈民時更凜冰淵多數他邑謀就食獨有疲軍故遷延軍紀不復能約束鄉村處處起烽烟王塋沙坡齊打破良民屍骸溝壑填團部營部大村住小村至少住一連逐日支應恐撻怒派米派麵派菜錢掘剗窖藏公然事姦人婦女對人宣勒抓民婦把飯

做林肉池酒度新年人人痛哭欲尋死彼反得意樂無邊一日  
錢米不如數綁入營內命難全十月來靈三月去每兩兵差七  
十元一軍東來人驟喜花燭迎到函關前都說一軍不擾害脫  
離水火卽神仙誰料靈民魔運多南北軍事難協和爲談革命  
須澈底宏農又復集干戈一軍渡河依三晉羣盜乘機執斧柯  
糧秣不足供搜刮想入非非起風波下令挨戶搜糧草亘古未  
聞此煩苛一合一勺都掃盡民衆啼飢如奈何滿地兵亦滿地  
匪兵匪去來若巡梭日出家家軍隊至日落村村匪出窠更值  
天旱三年久夏無麥粒秋無禾送去魔王迎佛祖誰知佛祖亦  
妖魔羣兇得意無人問敲人扯人平常過略有家資都扯徧驟

靈寶縣志

卷九下

藝文下

四十

新像印刷所承印

馬牛驢一齊拖葉子家家門上有數目多少任意科伊誰背地  
敢怨恨快鎗響處棄山坡多索銀幣累千萬禮物送足再商磋  
東村責送罌粟液西村責送女嬌娥父母死喪停埋葬違意輒  
便遭譴訶索盒子炮稱幾打皮鞋洋襪驟馬駝號鎮區長李學  
正偶差局勇查山阿匪徒聞知發震怒誰人敢把虎鬚摩一年  
三次攻號鎮四面圍困若旋螺商民垂淚無生路拋却田園爭  
渡河寄跡晉省暫喘息難顧鄉隣受折磨李君白璧原無瑕俠  
氣不惜自破家廣置武備研韜略生命財產付天涯日夜一心  
唯勦遂破除情面除蠍蛇窩匪通匪併剿辦殺人可憐亦如麻  
土匪不支逃竄去出省界外亦捉拏較之官府清鄉舉實際考

核成績加除暴安良眞男子口碑載道非虛誇商復於市農復野是誰重栽桃林花更喜國軍入三秦旱苗枯盡復生春逃亡紛紛歸故里復業不至受苦辛李君東去不肯留四民間聲眉頭愁運來復遇張京兆苦盡適逢陳太丘增設專員督政治慎選循吏作邑侯先勞無倦堪欽仰樂民之樂憂民憂我經災難十餘載花甲未至半白頭息交絕遊學陶令足跡不出亦是樓爲就萑邑修志乘芻蕘下問廣羅搜援筆歷記靈民苦到傷心處涕橫流

歌三章

得寶歌并序 開元末宏農古函谷關得寶符因改元爲天寶

靈寶縣志

卷九下

藝文下

四十一

新像印刷所承印

其符白石赤文正成桑字解者云四十八以示御歷之數及帝幸蜀之來歲正四十八年得寶之時天下歌之如下

得寶耶宏農耶宏農耶得寶耶

得體歌并序 天寶初韋堅爲陝郡太守水陸轉運使于長安城東漕水傍穿廣運潭以通吳會數十郡舟楫若廣陵郡船卽堆積廣陵所出錦鏡銅器餘郡皆然舟人大笠寬衫芒履如吳楚之製先是民間戲唱得體歌至開元末田同秀上言元元皇帝云有寶符在陝桃林縣古關令尹喜宅遣中使求得之以爲殊祥改縣爲靈寶及堅鑿新潭成又致楊州銅器陝縣尉崔成甫乃翻其詞爲得寶歌集兩縣官奴女子唱之

成甫又作歌詞十章白衣缺袴綠衫錦半臂偏袒膊紅抹額於第一船作號頭唱之和者女子百人皆鮮服靚粧齊聲接影鼓笛胡部以應之明皇臨觀大悅下詔褒賞

得丁紇體都重反紇那也囊得體那潭裏船車鬧揚州銅器多三

郎當殿坐聽唱得體歌

### 黃河澄清歌

明世宗

丁亥季冬十有六日河南之省靈寶之邑黃河澄清拖練湛璧越之四辰官占叫吉縣吏來報戊子之春乃命禮曹詳攷其因中伯獻夫述奏以申謂禮宜賀率屬表陳予慚弗允益勵恭寅請謝河伯朕許曰然既而復思斯本自天溯源徂流禮有後先

### 靈寶縣志

卷九下

藝文下

四十二

新德印刷所承印

遣官馳往秉其精專甲申告吉露拜成虔祀禮已成仰賀蒼乾帝垂鑒歆稽首拳拳永懷庇眷勉進德焉既而羣臣舞拜致賀余心甚愧稱之太過二三輔臣作歌以頌錄以來呈其詞雍雍忠誠且悉心德協一尙賴匡弼勿或墮逸蒙帝賜瑞四海甯謐德進業修罔敢自失天道當欽祖憲遵悉是訓是行恐恐慄慄政務爲善民困惟恤唐虞之盛吾欲與匹

### 詞二

退步銷主人贊詞

袁孝純

自問有何伎倆生涯只此硯田飢來吃飯倦來眠名利一毫不染終日無憂無慮居家勝似居官也曾三省當委員說起頭銜



不賤

弔袁函谷先生詞

張象明

梁壞山頽八九年魂零飄渺問何日龍返鼎湖鶴歸華表立碑  
偏教墜淚多回頭始覺知音少嘆衣鉢難承一年年人徒老  
欲作文憑誰較欲問字將誰找觀黃土一杯令人哭倒世亂難  
伸廬墓情傷心只恨歸天早拜遺碑自覺淚如崩腸如絞

對聯三

代州稅局大門一聯

焦岐 邑舉人

理財難用人難用理財人尤難其難其慎  
賠錢苦當差苦當賠錢差更苦不苦不甘

靈寶縣志 卷九下

藝文下

四十三

新豫印刷所承印

景靈臺一聯

陳琥 邑舉人

太河東去流盡百代豪華看窗外青山亭上白雲想不起金鑿  
紫綬

小閣西懸收入滿城春色玩幾點落花數聲啼鳥何處是瓊島  
蓬萊

靈寶勸學所門對一聯

張象明 前縣視學

吾舌尚存忍使同胞甘鼾睡  
此心不死誓教學界放光明

卷之九終

|     |     |     |    |     |    |     |     |     |   |     |    |     |    |     | 九下 | 卷  |   |
|-----|-----|-----|----|-----|----|-----|-----|-----|---|-----|----|-----|----|-----|----|----|---|
| 四十二 | 四十一 | 三十八 |    | 三十七 |    | 三十六 | 三十六 | 三十四 |   | 三十三 |    | 二十七 |    | 十一  | 十  | 四  | 頁 |
| 十五  | 十五  | 七   | 四  | 四   | 十七 | 十二  | 二   | 十四  | 九 | 二   |    | 六   | 十六 | 十   | 九  | 十九 | 行 |
| 二十四 | 三   | 二十  | 十七 | 七   | 十四 | 九   | 四   | 十九  | 五 | 二十三 | 十五 | 九   | 四  | 二十四 | 五  | 二十 | 字 |
| 慄   |     | 牲   | 壺  | 欽   | 簿  | 磬   | 冠   | 芩   | 傅 | 謝   | 緣  | 綠   | 窮  | 搏   | 眈  | 戊  | 誤 |
| 慄   | 澤   | 牲   | 壺  | 飲   | 簿  | 磬   | 寇   | 芹   | 傳 | 榭   | 緣  | 緣   | 穹  | 搏   | 龜  | 戊  | 正 |

